

續文獻通考

卷八八—一九〇

7 保  
5266  
70-52



門保  
號 5266  
卷 70-52

續文獻通考卷之一百八十八

皇明進士雲間王圻纂輯

六書考 書評下 書目

皇明書述

解縉書法

字大紳吉水人交趾  
參議前翰林院學士

學書之法非口傳心授不得其精大要須臨古人墨蹟  
布置間架擔破管書破紙方有工夫張芝臨池學書池  
水盡黑鍾繇入抱犢山十年木石盡黑趙子昂十年不  
下樓夔子山每日坐衙寫畫一千字纔進膳唐太宗制  
馬上簡板書字夜半秉燭學蘭亭大字須要識間架古  
人以筭濡水學書於砌或書於几几石皆陷故自羲獻

而下世無善書者惟智未能悟家法書學中興至唐而  
盛宋家三百年惟蘇米庶幾元惟趙子昂一人皆師資  
之所以絕出流輩吾亦稍聞筆法於詹希元惜乎工夫  
未逮草草度時竊自愧赧耳末樂丙戌六月十八日縉  
紳書

王賓叙字

字仲光號光  
巷長州人

古人以字名家不易能也師宜官大字方丈一字小字  
方寸千言此後漢人以大小字名家不易能者也韋仲  
將自言以張芝筆左伯紙已之墨已之手大字逞徑丈  
之勢小字寸許千言也此魏人以大小字名家不易能  
者也

者張長史謂大字促令小小字展令大董內直謂大字  
貴結密不結密則懶散而無精神偏傍宜字字相照應  
又宜飄逸氣清雅不俗一字之美皆偏傍湊成分拆看  
時各自成一美始為大字之盡善者矣小字貴開闊字  
內間架宜明整開闊一如大字體段諸美皆具也以張  
董所謂觀之後人從其法師韋所不易能可遂能耶顧  
吾嗜古人何如耳李陽冰見絳州碧落碑寢碑下數日  
不忍去歐陽詢見索靖古碑駐馬觀之去數步還下馬  
觀之倦則布氈坐觀之宿碑傍三日乃去歐陽李以字  
名家其嗜古人誠何如也沈學菴嗜古人字以工大字  
名吳中藏樗寮子張即之雪菴李泉大小字其子貴成

嗜之如饑思嗜未嘗一餉而有忘也貴成究張董所謂  
 從其法工之又未嘗一日而有輟也學菴家無數簪之  
 積無半畝之入其父子衷心所操曾無所羨慕而少有  
 移也古人謂字心畫也柳誠懸言心正則筆正雖曰寓  
 諫寔字家名言學菴父子衷心要不愧夫誠懸之言者  
 矣伾奴輩沾沾自喜取媚縱其字或工可愧也蘇文忠  
 公論字必論其人之平生可謂善論字者矣學菴父子  
 衷心所操論其平生余安得不叙其所嗜所工為學字  
 者警勸耶噫以字名家不易能也內而宜理乎已之心  
 外而宜畫乎古之法心以致其筆之正法以致其筆之  
 妙其見於揮灑大焉小焉烏乎不為人重耶

祝允明書述

字希哲號枝山長洲人應天府通判

書理極乎張王鍾索後人則而象之小異膚澤無復變  
 改適逮唐氏遵執家藝初焉微區爾我已乃寢闊步趨  
 宋初能者尚秉昔架爰至中葉大換顏面雖神骨少含  
 晉度九徃一居邇來徒靡從瀾倒風遠宗矣祖乃大變  
 千載典謨崇朝改之何暇哂之亦應太息流涕耳暨夫  
 海濱殘矩舛謬百出一二守文之外恠形盈世蒙古數  
 子未足甲乙虞巉等輩歐鄧餘人無足語者吳興獨振  
 國手徧友歷代歸宿晉唐良是獨步然亦不免奴書之  
 眩自列門閥小累書家饒周之屬且亦可觀二宋在  
 國初故當最勝昌裔熟媚猶亞於克宋學士父子不失

邨鄴詹解鳴于朝周盧著于野朝者乃當讓野而希原  
幹力本超更以時趨律縛耳二沈蜚耀墨林昌辰高步  
自任人推皆謂絕景 大君 宸譽遠極褒華抑在一  
時誠亦然爾學士工力深篤其所發越十九在朝亦有  
繩削之拘非其神之全也或有開窓散筆輒入妙格人  
罕覩爾棘寺正書娟媚行草傷輕因成儂浮自遠大雅  
如危帽輕衫少年毬鞠又如艷質明妝倩笑相對朱夏  
榜署紛紜易於馳譽孔陽仲昭下及延暉養正之流煙  
煤塞眼悉俗工也其間太常稍近清潤吏部頗主沉雄  
惜乎不肯自脫掾史手耳養正吾不知也不知當時何  
以得列書苑二陳壁傷矜局登畧上之亦有宜黃吳餘

慶崑山衛靖少自出塵趨向甚正恨不廓且老耳程氏

與猶子篆分擅名斯業既鮮不得不足其後左參李相

頗近青水

左贊長  
沙相

李牧期揚師敷不以書名亦有可觀

近朝所稱如黃翰二錢張汝弼皆松人也以沈氏遺聲  
留情豪墨迄今猶然然荆玉一出而已小錢大致亦可  
翰與東海人絕董蘊而藝唯魯衛張公始者尚近前規  
既而幡然飄肆雖聲走海宇而知音歎駭黃人行伎俱  
下非吾徒也又有天駿者亦將婢學夫人咄哉樵爨斷  
養醜惡息穢忍澳齒牙恐異時或得其名夫其迹妄冒  
誤人且爲贅列紫薇郎署分科木天執事左閣絲綸大  
可恠也談者謂任道遜姜立綱及近日周文通直攀詹

沈蓋亦依稀若徐武功劉西臺吳文定李太僕咸為近  
 士瞻望吳非當家貴在超雅去俗爾徐劉與吳并馬刑  
 部蕭黃門顯亦皆師模宋元之撰而已徐馬倣米劉趙  
 吳蘇蕭自成一狀最下畧近彥修於中劉無一筆失步  
 亦可慨其舍文武而攀成康也太僕資力故高乃特違  
 尤遠羣從并去根源或從孫枝翻出已性離去筋骨  
 骨目蓋其所執奴書之論至此也

筆訣 字人季初名坊字存叔號南陽郵人考功主事

懸腕讓左側右虛掌實指意前筆後此古人所傳  
 訣如屋漏雨如壁磬坼如印印泥如錐畫沙如  
 古人所論作書之勢也然妙在第四指得力

使筆進退收往垂縮剛柔曲直縱橫轉運無不如意則

筆在畫中而左右皆無病矣此法鍾王之後唯藏真懷

素得之為多庶幾於是者唐則伯施虞世南信本歐陽詢

登善褚遂良虔禮孫過庭紹京鍾泰和李邕伯高張旭清臣顏真卿

誠懸柳公權五季則量度楊水式重光李後主煜宋則君謨蔡襄元

章米芾元則子山夔子山子昂趙孟頫本朝則仲珩宋貞伯李

希哲祝允明數人而已書雖小學然非師法古而用功深

豈能成字古今論者衆矣或泛而寡要茲發其秘云

書苑題評云天下法書歸吳而祝京兆允明為最文待詔

徵明王貢士寵次之京兆少年楷法自元常二王末師

秘監率更河南吳興行草則大令末師河南狂素顛旭

北海眉山豫章襄陽靡不臨寫工絕晚節變化出入不可端倪風骨爛熳天真縱逸直足上配吳興他所不論也唯少傳世間有拘局未化者又一種行草有俗筆爲人譌寫亂真頗可厭耳待詔小楷師二王精工之甚惟少尖耳亦有作率更者少年草師懷素行筆倣蘇黃米及聖教晚歲取聖教損益之加以蒼老遂自成家唯絕不作草耳王正書初法虞未與智未行書法大令最後益以適逸巧拙互用合而成雅奕奕動人文以法勝王以韻勝不可優劣等也

皇明書評

宣宗書出沈華亭兄弟而能於圓熟之外以適勁發之

蜀定王友垓善草書

周憲王爲世子久又多蓄晉唐名蹟臨摹不倦以故書法真行醇婉無一筆失度特少腕力

衡府高唐齊東二郡王深于玉筋大小篆亦見稱于世

宋克仲溫華亭人爲鳳翔同守正體頗秀健章草是當家健筆縱橫差少含蓄宋廣昌裔吳郡人書述云昌裔熟媚猶臣於克宋璿仲珩學士次子仕爲中書舍人真行草篆俱入能品方孝孺比之威鳳翀霄祥雲捧日按書述云宋氏父子不失邯鄲余嘗見其行草流動秀穎翩翩可愛比之乃公誠青出於藍此所謂國初三宋也覺仲珩尤勝

杜環字叔循金陵人正書入能品見宋承旨集

陳文東華亭人何元朗叢談評其書在二沈之上頗亦淳美似未脫俗

詹希原中書舍人善方丈署書諸宮殿額皆其手也法書述云希原幹力本超更以時趨律縛余嘗見其正書極端勁圓穎而時露俗態

解學士縉字大紳吉水人幹墨奔放狂草名一時然縱蕩無法楊用脩目爲鎮宅符正書頗精妍時又有周砥者不知里閭盧熊者崑山人晚以州守歸書述云詹解鳴於朝周盧著於野朝者乃當讓野

沈度民則弟粲民敬華亭人 永樂中俱以書顯度至翰

林學士 文皇雅重之令 太子諸王咸習焉粲遷左

庶子至大理少卿書述稱二子輩擢墨林昌辰高步自任人推皆謂絕景學士少宗陳文東而更嫵媚其所發越十九在朝亦有繩削之拘或有閒窓散筆輒入妙格人罕睹耳棘寺好法宋克正書娟媚行書傷輕又如豔質明粧倩笑相對去元人遠矣

張翰宸嘉定南翔人 國初署嘉定教官以能書名在宋仲溫陳文東之間而小楷行草具有法度

楊少師士奇李布政昌祺皆廬陵人書述云李牧楊師不以書名亦有可觀

胡文穆善真行草名不及解大紳而遇過之比征諸鎮皆



其勒石

曾少詹祭奕奕有風度

李忠文時勉狂草頗適勁而少態

陳祭酒敬宗差有矩矱聲華甚著

王文端直文安英皆二沈流亞

夏景崑山人太常卿蔣廷暉錢唐人吏部郎中朱孔陽太

僕卿俱直內閣以書顯書述稱數子榜署紛紜易於馳

譽其間太常獨近清潤吏部頗主沉雄孔陽掾史手耳

吳克勤求新人 洪熙中以楷書薦為翰林學士詩文清

麗

天餘慶宜黃人直 內閣為通政司左叅議與衛靖時不

相及然書述稱二子少自出塵趨向甚正恨不廓且老

耳

魏文靖驥蕭山人南京吏部尚書筆畫適勁年九十八乃

卒

尹恒字宗有吳人其先自沐陽來徙則宋之建炎也父又

以閭左徙金陵恒少則從博士弟子遊書跡甚善召侍

東宮 洪熙初與修撰金問同被 命待詔 闕前

進符璽少卿

宣嗣宗吳人 求樂中亦以善書徵授中書舍人進司封

員外嗣宗素謹人問以 禁廷事終不對故為 宣宗

所眷既卒恤禮良厚任子為縣丞稱殊遇焉

衛靖崑山人 洪熙初 詔選書博士得召入備法從執

簡 文淵閣進主事禮部及修 宣宗朝史預書牘

賜賚甚厚靖兼亦能詩

王公亮華亭人世業儒蚤失怙恃大父安之講授于鄉公

亮克承厥訓以能書舉任吏科給事中累官至廣東布

政使居官簡靜務大體廉重愷悌人皆悅服卒于官

夏宗文華亭人善真草隸書名重于時預修 永樂大典

授廣平縣主簿

朱孔陽華亭人能書善畫 永樂中授中書舍人累官至

順天府丞筆力遒勁凡宮殿榜多其所書

陳敏華亭人 永樂中以能書徵除知四川茂州州境民

夷雜處素難治敏宣布德意莫不感化秩滿州人借留

陞四川左叅政仍掌州事卒民立祠祀之

高文義穀興化人少保大學士魏驥頗健書名雖負而不

免俗高乃文弱秀潤可愛而不甚著

徐天全有貞吳人真書法歐陽率更而加以飄動微失之

弱行筆似米南宮狂草出入素旭奇逸迥勁間有失之

恠醜者祝希哲其外孫人謂書法從公來希哲頗不以

爲然

劉珏僉事長洲人習吳興體其精絕書述稱其無一筆失

度

張南安汝弼華亭人以兵郎出知南安書述稱其始者尚

近前規既而幡然飄肆以草聖蓋一世喜作擘窠大軸素狂旭醉震蕩人心目且詩律散語俱有關繫王弇州謂其結法頗疏腕力亦弱豈誠然哉

黃翰華亭人為江西按察使有墨聲書述云翰與汝弼人絕善舊藝猶魯衛

張天駿華亭人以善書直內閣至工部尚書用南安體更變輕弱書述稱其婢學夫人

按張南安時有蕭顯文明為按察僉事以狂草稱品最下又邵文敬郡守以半江帆影落尊前句人呼為邵半江書法稍準繩於南安

詹和字仲禾錢塘人倣趙吳興體酷似之嘗作廣書以贈

又別作李懷琳揚補之得盲兒價甚夥

錢文通溥弟布政博華亭人直行出自宋仲溫而少姿韻

陳白沙獻章好縛禿帚作擘窠大書中亦有一二筆佳者其稱張南安好到極處俗到極處似未必然

李士實為右都御史坐寧藩事伏法其書尤瘦險醜恠而一時聲甚著

李文正東陽直行筆頗秀潤晚節加以蒼老惟篆書頗佳

明題曉篆法者有滕吏部用亨程太常南雲金太常湜至文正而自負以為得書家妙訣喬少保字景中允賜繼之然不如金陵徐霖霖可配元周伯琦文正大拜

後每書歌詩一紙立致數金

姜立綱永嘉人以書直內閣至太常卿小變二沈爲方  
整就其體中可謂工緻而不免俗累今盛行於世

任道遜少以神童薦亦至太常卿出立綱下

吳文定公寬真行體全法眉山書述稱不以書名貴在起  
雅去俗遇合作處真可嘉尚唯不能作醉翁表忠觀體  
耳

李應禎字貞伯初名牲長洲人累官太僕少卿善懸腕疾  
書人有求者多怒不應以故傳世少祝希哲其子璿也  
書述稱其質力故高乃特違衆旣遠群從并去根源或  
從孫枝翻出已性離去筋骨別安眉目蓋其所執奴書  
之論至此也然徃徃有摹史筆而吳人極推許之其大

石山聯句鍾太傅薦季直表跋最佳

王文成守仁餘姚人行筆亦爽勁而結構處頗踈

湛文莊若水倣陳白沙天然不及也唯署書差有骨

祝允明顥之孫也五歲能書過目即成誦爲詩時有壯語  
書法得魏晉人髓性不問家人生產人或饋遺之隨復  
散去仕郡功曹而子續由給事至方岳

王寵者守之弟吳人書學自宋克祝允明文徵明逮寵皆  
各得魏晉法然寵資雅馴不以誦多自矜游於蔡羽所  
而一時名士皆歸之胡守纘宗尤相愛重尚書顧璘極  
推服而寵竟悒悒不得進用恣於酒以卒所爲詩與徵  
明相若而徵明格少讓之

文壁一名徵明吳人生少後於允明而與徐禎卿唐寅齊  
名友善已又與蔡羽王寵同傾一時後來者依以爲重  
徵明亦善接引隨所長稱之喜事少年爭奔走焉然資  
實沉厚學誦亦博詩在唐元禎溫字間工書善圖畫藝  
皆絕人尤稱善鑒古宗彝酸筆三代器及練素品初以  
薦得待詔 闕下亡何遽乞歸人尤以爲賢聞之黃生  
云倭人嘗贊謁徵明服緋坐受其拜於庭示以尊 中  
國體竟不受餽又不與書二子彭鼎彭書類父其人尤  
長者仕爲文學掌故嘉亦博物君子有父風書學不墜  
繪素亦精

徐霖字子仁 行俱精雅好堆墨書仰采爛然覺骨不勝

肉耳

朱九江曰潘寶雁 人頗臨晉法書絕喜祝希哲而以已意  
出之婉秀瀟灑 絕有姿態而結法頗疎

陳淳字道復以字 行正書初從文氏欲取風韻遂成媚側  
行書出楊凝式 杯藻老筆縱橫可賞而結構多疎亦南  
路之濫觴也

彭昉字寅之初有 盛名選擇爲吏南粵舉止多輕躁不能  
其官使者猶以 物文章爾雅未閑吏事優容之調他所  
後竟以罷歸初 年少游於徵明名日以著所爲文若詩  
一時靡焉向風 爭相慕部使者衡水楊先生宜命廩食  
之亦彊應而竟 不行家素貧又嗜酒不問生產獨置甕

床頭朝夕

迥勁貴於時

陳鏊號雨泉

中進士官至方伯善行草得晉

人體扁額大

亦適麗

元王琮金陵人行

吳興老健可愛

王逢元子新金陵

聖教歐虞蘇黃諸體甚精徑寸而

上稍覺稚弱

陸文裕深少時作小楷精謹自謂有黃庭遺教意然不能

離趙吳興也行草法李北海而亦出入吳興晚節尤妙

夏文愍言以才雋居首揆天下重其書貞珉法錦視若珙

璧正行亦適美但肥過而滯老過而稚耳榜署書尤可

觀

周向善倫崑山人行書法豫章吳興至徑寸外頗適勁而

蒼鹵不甚工

張電上海人以能書直內閣至禮部左侍郎得幸世

宗書極圖熟妍美所取顯重者僅姜氏體耳

凌晏如吳興人以書授中舍遷吏科都給事中右僉都御

史其臨洛神賦金剛經俱有法

許侍郎成名作真行筆頗簡勁而結構多疎

許中丞宗魯行楷稍精間有聖教遺意

王叅政慎中晉江人行草頗亦適逸而不諳八法未脫塵

氣

楊修撰慎伏膺吳興而運筆蹇滯指若木強者亦頗自任

續文獻通考

卷之二

十一

羅文恭洪先書頗秀潤出聖母帖豐肉少骨穠媚有之蒼老不足

豐吏部道生初名坊家蓄古碑刻既富一一臨摹自大小篆古今隸草行無不明了而筆頗滯不能稱意若遇其中年得意處殘篇小碣驟見之必以為古人也

陳鳴野鶴初習真書略取鍾法僅成蒸餅後作狂草縱橫如亂芻而張尚寶遜業絕喜之楊秘圖珂者初亦習二王而後益放逸柔筆疎行了無風骨此皆所謂南路體也

馬司業一龍用筆本流迅而乏字源濃淡大小錯綜不可識拆看亦不成章有羅鹿齡者少師之稍變為圓美而多作俗筆二人皆負以為正鋒者也故歛地亦有學馬者既非大雅終非可久

朱子价維揚人楷法亦精再傳之後疎慢肥弱種種因之黎郎中惟敬番禺人於四體各有意

梁禮部思伯番禺人楷法亦精皆遠得徵仲結法方貢士元煥在山東作行草自矜以為雄偉有力而疎野粗放備諸惡道署書稍勝時有張書紳蘇洲者俱不知何許人書紳行草似元煥而少加圓利洲作方丈以外大書矯健有勢唯直行多俗撰形模醜拙

吳中丞維嶽孝豐人正行取豐媚而少適勁

王國無錫人有高名作行草及署書本無所師承而風骨

道勁渴筆縱體往往與高相藏醉翁亭記法同

俞憲無錫人亦能署書而行筆不工

王司業同祖文太史甥也吳人正行具體而微

袁提學泰行草亦自疎逸

王吏部穀祥吳人正行法趙吳興雖老健而乏雅致

文博士彭教諭嘉皆徵明子小楷皆足箕裘彭肉而圓嘉

俊而佻行草則彭有懷素孫過庭法而傷率弱臨摹雙

鈎俱我朝第一手

陸少卿師道長洲人中年小楷化度麻姑清麗可愛

彭年孔嘉長洲人小楷師率更精工之甚大則魯公誠懸

方整道勁行筆眉山差遠耳

許太僕初吳人真行草俱圓熟所乏風稜

周天球公瑕吳人楷法二種一種小變宣示而肉微勝一

種出入吳興而加媚嫵

黃姬水淳父吳人正書初宗虞永興行筆本王履吉而晚

節加率易

張貢士鳳翼長洲人小楷擬曹娥精雅有致微傷矜局

王稚登百穀吳人出入淳父公瑕而加尖峭

俞允文仲蔚崑山人小楷絕得褚河南法而以顏柳筋骨

幹之遇所合作深可嘉尚而行筆頗做河南稍大則兼

黃米而傷佻縱

王逢年舜華本老筆而雜用之遂不成家



莫布政中江雲間人行草風骨朗朗亦善署書乃子是龍  
小楷精工過於婉媚行草豪逸有態

古隸在 明世殊寥寥雲間陳文東頗合作然未之見也  
獨文太史徵仲能究遺法於鍾梁一掃唐筆乃子彭繼  
之亦自道雅少傷率易耳陸旅攜爲文氏甥妙得其意  
惜三十而夭未見其止少時日從事翰墨間不解多乞  
之深以爲恨徵仲恒自負隸法則不讓古人而歎於篆  
然余得其千文一本亦在吳興堂廡也陳道復作篆不  
甚經心而自有天趣王祥之差有準繩亦善配合周公  
瑕亦自熟不免率易

弇州集云

國朝書法當以祝希哲爲上文徵仲王履吉

宋仲溫宋仲珩次之陸子淵豐道生沈華亭徐元玉李  
貞伯吳原博又次之餘似未入品

書目

大篆十五篇 周史籀作

倉頡篇七章 秦相李斯作

爰歷篇六章 秦公車府令趙高作

博學篇七章 太史令胡毋敬作

文字多效史籀篇而篆隸頗異所謂秦篆也

凡將篇 漢文園令司馬文如作

急就篇 漢黃門令史游條

元尚篇 將作監李長作急就元尚篇皆倉頡中正字

續文獻通考卷之二百八十八

倉頡訓纂一篇 漢楊雄作又云郭璞注倉頡篇揚雄作  
訓纂後漢郎中賈逵作嘉頡篇故曰三倉

古今文字二卷 劉歆撰又焦子明撰文字畧一篇

說文解字十四篇 後漢許慎作慎字叔重汝南召陵人  
在昔篇一卷 太甲篇一卷 班固撰

通俗文一卷 伏虔撰

字指一卷 太子中庶子郭顯卿撰

古今文官書一卷 衛宏作

聖皇章 黃初章 吳帝勸學篇各一卷 蔡邕撰

飛龍篆篇 草勢篇三卷 濟北相崔瑗撰

埤倉二卷 古今字詁三卷 魏博士張緝撰又云緝撰

三倉難字一卷 詁訓三卷

始學篇十二卷 吳峻撰

吳章二卷 晉陸機撰

字法二卷 草行字二卷 字偶五卷 李彤撰

字林七卷 弦令呂忱撰

常用字訓一卷 荊州刺史殷仲堪撰

韻集六卷 汝復令呂靜撰

四體書勢一卷 衛常撰

要用字苑一卷 勾漏令葛洪撰

啓疑三卷 散騎常侍顧愷之撰

纂文三卷 宋御史中丞何承天撰

纂要六卷 顏延之撰

要字一卷 臨川內史謝靈運撰

字林音義五卷 楊州督護吳佑撰

文字指歸一卷 劉善經撰

四聲韻略十三卷 夏侯該撰

音譜四卷 李概撰

韻英三卷 釋靜洪撰

續文釋五卷 南齊吳均撰

四聲一卷 梁沈約撰

演說文一卷 梁庾儀撰

文字集略六卷 阮孝緒撰

釋字同音三卷 異字同音一卷 散騎常侍吉文甫撰

五十二體書一卷 國子祭酒蕭子雲撰

玉篇三十卷 左將軍顧野王撰

字統二十卷 後魏楊承慶撰

隸書六體 元魏趙文深撰 南陽人

四聲切韻 南北朝周顥撰 建康人

聲類十卷 左校書李登撰

字略五篇 北齊宋世良撰

韻略一卷 辯嫌音二卷 和州刺史楊休之撰

訓俗文字略一卷 黃門侍郎顏之推撰

難字三卷 隋秘書少監王劭撰

證俗章略一卷 顏繁楚撰

古今字圖新錄一卷 字文指歸四卷 桂苑珠叢 秘

書學士曹憲撰

韻海鏡源三百六十卷 唐魯公顏真卿撰

九經字樣一卷 翰林待詔唐玄度撰

音韻 周思言撰

音譜 李季節撰

韻略 杜臺卿撰

石鼓文 鄭樵王應麟蘇軾皆有注

九經韻譜 群經音辯 賈昌朝撰

小爾雅 孔鮒撰

廣雅 張揖撰

要雅 劉杏撰

埤倉 漢賈升郎撰

糾謬正俗 顏師古撰

說文五義 吳淑撰

說文系傳四十卷 徐鍇撰鍇字楚金廣陵人

字苑 曹產撰

御覽字府 庾元威撰

鍾鼎款識十卷 薛尚功撰尚功錢塘人又著廣鍾鼎款識

韻七卷

集古錄 歐陽修撰

續文獻通考

十九

考古圖 呂大臨撰凡十卷大臨永興人

金石錄 趙明誠撰

故跡遺文 故跡記 徐浩撰

字辯 北齊李鉉撰

五音譜 李燾撰

七音韻鏡 字林音義 宋吳恭撰

翰林墨志 宋高宗撰

難字 周成撰

國語音 宋庠撰

楚辭音 智騫撰

莊子集音 徐澹撰

莊子釋音 甘輝魏包撰

黃庭經音 陶弘景撰

爾雅音 孫炎撰

諸經音義 釋玄應撰

漢書音義 蕭該撰

切韻 李舟撰

切韻指南 董南一撰

文字音 晉王延撰

集韻 陸法言撰

唐韻 孫恂撰

五經文字 張參撰

續文獻通考 卷之二百八十九

續文獻通考 卷之二百八十八 二十 二百八十八

古文四聲韻 夏竦撰凡五卷

廣古文四聲韻 趙克繼撰

佩觿集 郭忠恕撰

字始連環象類書 鄭樵撰

切韻指掌圖 溫公撰

音義 孟昶撰

韻會舉要 黃公撰

韻藻集古錄二卷 王球著

五書總韻五卷 高衍孫著四明人

韻補 吳棫撰

干祿字書 顧元孫撰

學古編 元吾丘衍子衍著丘衍魯郡人

復古編 張有著有字謙仲吳興人又著五聲韻五卷

王氏書苑 王世貞集

漢隸分韻七卷 田汝耕著

佐書韻編 姑蘇顏本著

續文獻通考 卷之二百八十八

續文獻通考卷之一百八十八終

卦書蕭繇 故蕭繇本齊

吳越令蕭子余 田火珠著

王允曹放 王世貞集

賢才錄 魏育普字精中吳興人又春正贊贈正卷

示音丘符子許普立許魯齊人

續文獻通考卷之一百八十九

皇明進士雲間王圻纂輯

帝系考 帝號歷年 宋遼

宋

恭帝即 熈慶宗次子金皇后生初封嘉國公度宗崩眾

以建國公是長當立賈似道主嫡乃立熈時方四歲謝

太后臨朝次年伯顏入臨安群臣奉帝出降封瀛國公

端宗即位遙尊為孝恭懿聖皇帝 改元一德祐二年

端宗名昀度宗妃楊淑妃所生德祐初封吉王進封益王

帝熈降元陳宜中以海船載皇走福州及三宮北去益

王即皇帝位元軍入福州帝遂航海崩於化州之碙州

續文獻通考卷之一百八十九

葬厓山在位三年壽十一歲帝昺即位上廟號曰端宗  
改元一景炎三年

帝昺度宗第三子俞修容所生初封信王進封廣王帝昺  
降宋陳宜中以海船載昺及昺走福州景炎中進封衛  
王端宗崩張世傑陸秀夫等共立為帝居新會之厓山  
改元祥興次年二月張世傑與蒙古張弘範戰于厓山  
兵潰陸秀夫負帝赴海崩在位二年壽九歲 是年宋  
亡

東都九主一百六十八年南渡九主一百五十二年前  
後共十八主凡三百二十年

遼

太祖大聖大明神烈天皇帝姓耶律氏諱億字阿保機小  
字啜里只契丹迭刺部霞瀨益石烈鄉耶律彌里人德  
祖皇帝長子母曰宣簡皇后蕭氏唐咸通十三年生天  
復元年痕德堇可汗立以為本部夷離堇專征伐連破  
敵有功三年拜于越總知軍國事五年痕德堇可汗徂  
群臣奉遺命立為主九年而建元稱帝北宰相蕭轄刺  
南宰相耶律歐里思率群臣上尊號曰天皇帝神冊元  
年又上尊號曰大聖大明天皇帝在位二十年稱帝十  
一年崩壽五十五 改元三神冊六年天贊四年天顯  
一年

太宗孝武惠文皇帝諱德光字德謹小字堯骨太祖第二



子母曰淳欽皇后蕭氏唐天復二年生以天顯二年十一月即位會同元年十一月晉使劉煦盧重冊上尊號曰睿文神武法天啓運明德彰信至道廣敬昭孝嗣聖皇帝在位二十一年崩壽四十六 改元二會同九年大同一年

世宗孝和莊憲皇帝諱阮小字元欲讓國皇帝長子母柔貞皇后蕭氏以大同元年四月即位九月群臣上尊號曰天授皇帝在位五年為察割所弒壽三十四 改元一天禛五年

穆宗孝安敬止皇帝諱璟小字述律太宗皇帝長子母靖安皇后蕭氏以天禛五年九月即位群臣上尊號曰天順皇帝在位十九年為近侍小哥哥盪人花哥庖人辛右等六人所弒壽三十九 改元一應曆十九年

景宗孝成康靖皇帝諱賢字賢寧小字明展世宗第二子母懷節皇后蕭氏以應曆十九年三月即位群臣上尊號曰天贊皇帝在位十三年崩壽三十五 改元二保寧十年乾亨四年

聖宗文武大孝宣皇帝諱隆緒小字文殊奴景宗長子母睿智皇后蕭氏以乾亨四年九月即位群臣上尊號曰昭聖皇帝統和元年五月上尊號曰天輔皇帝二十四年十月上尊號曰至德廣孝昭聖天輔皇帝開泰元年十月加上尊號曰弘文宣武尊道至德崇仁廣孝聰睿

昭聖神贊天輔皇帝太平元年十一月加上尊號曰睿  
文英武遵道至德崇仁廣孝治定功成昭聖神贊天輔  
皇帝在位四十九年崩壽六十一 改元三統和二十  
九年開泰九年太平十一年

興宗仁聖孝章皇帝諱宗真字夷不堇小字只骨聖宗長  
子毋欽哀皇后蕭氏以太平十一年六月即位十月群  
臣上尊號曰文武仁聖昭孝皇帝十年十一月加上尊  
號曰聰文聖武英畧神功睿哲仁孝皇帝二十年十一  
月加上尊號曰欽天奉道祐世興曆武定文成聖神仁  
孝皇帝在位二十四年崩壽四十 改元二景福一年  
重熙二十四年

道宗孝文皇帝諱洪基字涅鄰小字查刺興宗長子毋仁  
愛皇后蕭氏以重熙二十四年八月即位二年十一月  
群臣上尊號曰天祐皇帝咸雍元年加上尊號曰聖文  
神武全功大畧廣智聰仁睿孝天祐皇帝在位四十七  
年崩壽七十 改元五清寧十年咸雍十年太康十年  
大安十年壽隆七年

天祚帝諱延禧字延寧小字阿果道宗孫父順聖皇帝毋  
貞順皇后蕭氏壽隆七年正月即位群臣上尊號曰天  
祚皇帝三年十一月加上尊號曰惠文智武聖孝天祚  
皇帝二十四年爲金人完顏婁室等所獲降封帝爲海  
濱王以疾終年五十有四 改元三乾統十年天慶十

年保大五年

右遼主九人起神冊元年丙子終保大五年甲辰共二百九年追帝者二人

讓國文獻皇帝名倍小字圖欲太祖長子母曰淳欽皇后述律氏神冊元年立為皇太子聰敏好學通陰陽醫藥針灸之術天顯元年詔居東丹國為人皇太祖崩率其國屬言于皇后曰大元帥勲蓋中外宜承正統后從之太宗即位倍居東丹建元甘露稱制行事置左右大相及百官一用漢法太宗升東丹為南京唐明宗遣人招倍遂浮海適唐明宗賜姓東丹名慕華又改姓李名贊華從珂將自焚遣壯士害之薨年三十八歸觀葬醫曹巫

周山太宗謚曰文武元皇王世宗謚讓國白王帝統和中

更謚文獻皇帝重熙二十年增謚文獻聖義皇帝

大孝順聖皇帝名濬道宗子母曰宣懿皇后蕭氏六歲封梁王八歲冊為皇太子耶律乙辛誣害皇后復誣奏蕭述撒等八人謀立皇太子上令乙辛鞠治杖皇太子囚之宮中又廢為庶人囚之上京乙辛竟遣私人塗殺之其子天祚帝即位追尊大孝順聖皇帝

太上皇遼無 皇太后 太皇太后

太祖元年正月即帝位尊祖母曰太皇太后母曰皇太后太宗天顯元年十二月尊皇太后為太皇太后皇后為應天皇太后三年八月詔建應天皇太后誕聖碑于坤

寧州九月有司請以皇太后生日為永寧節十月以永寧節率群臣上壽于延和宮五年正月朝皇太后二月上與人皇王朝皇太后皇太后以皆工書命書于前以觀之七年三月上率群臣朝于皇太后八年十二月太皇太后崩遣使告哀于唐及人皇王九年二月葬太皇太后于德陵十年四月皇太后父族及母前夫之族二帳並為國舅以蕭緬思為尚父領之十二年正月討李從珂皇太后遣侍衛實魯趣行戊寅朝于皇太后進珍玩為壽十月皇太后永寧節晉及回鶻燉煌諸國皆遣使來賀 會同元年四月還宮朝于皇太后十一月皇太后御開皇殿晉馮道韋勳冊上尊 廣德聖仁昭

烈崇簡應天皇太后三年七月朝于皇太后丙子從皇太后視人皇王妃疾五年正月以諸道貢物進皇太后六月丁丑聞皇太后不豫馳入侍湯藥必親嘗仍告太祖廟幸菩薩堂飯僧五萬人七月乃愈 大同元年太宗崩于欒城世宗即位于柩前遣天德朔古解里等護梓宮先赴上京太后聞世宗即位遣太弟李胡率兵拒之相持數日用屋質之謀各罷兵既而聞太后李胡復有異志遷于祖州是年八月尊母蕭氏為皇太后以太后族刺只撒古魯為國舅帳立詳穩以總馬世宗被弒時太后同

穆宗應曆三年六月應天皇太后崩謚貞烈葬祖陵

聖宗即位時年十三皇后奉遺詔攝政尊爲皇太后 統  
和元年正月皇太后幸荆王道隱邸視疾四月大臣以  
太后與政宜有尊號請下有司詳定冊禮五月詔近臣  
議皇太后上尊號冊禮樞密使韓德度以後漢太后臨  
朝故事草定上之六月詔有司冊皇太后日給三品以  
上法服三品以下用大射柳服甲午上率群臣上皇太  
后尊號曰承天皇太后七月皇太后聽政二年正月朝  
皇太后四年正月朝皇太后三月與皇太后駐兵馳羅  
口伐宋四月以南捷率群臣賀于皇太后庚申朝皇太  
后五月以皇太后生辰縱宋卒匿岐溝空城者十五年  
以後歲二次問安皇太后二十四年十月率群臣上皇

太后尊號曰睿德光畧應運啓化承天皇太后二十七  
年十二月皇太后崩于行宮謚神聖宣獻皇后葬乾陵  
興宗景福元年六月尊母元妃蕭氏爲皇太后閏十月  
有司請以皇太后生辰爲應聖節從之十一月問安皇  
太后 重熙元年正月皇太后御正殿受帝與群臣朝  
是春皇太后誣齊天皇后謀逆遣人弑于上京齊天乃  
聖宗正后無子元妃稱斤生興宗后養爲子聖宗太漸  
稱斤嘗后曰老物寵亦有既耶令左右扶出帝崩稱斤  
立爲皇太后護衛馮家奴喜孫等希旨誣告北府宰相  
蕭浞卜國舅蕭匹敵謀逆詔令鞠治連及后興宗聞之  
曰皇后侍先帝四十年撫育眇躬當爲太后今不果反

罪之可乎太后曰此人若在恐爲後患帝曰皇后無子而老雖在無能爲也太后不從遷后于上京猶慮帝懷鞠育恩遣人加害使至后曰我實無罪天下共知卿待我浴而就死可乎使者退比反后已崩年五十是日若有見后于木葉山陰者乘青蓋車衛從甚嚴十一月率群臣上皇太后尊號曰法天應運仁德章聖皇太后三年五月皇太后還政躬守慶陵七年二月遣使慶州問安皇太后十一月如之且進珍玩八年七月迎皇太后至顯州九年正月進酒于皇太后宮十一年正月奉迎皇太后于內殿十六年十一月幸中京朝皇太后十二月間安皇太后二十年十一月率群臣上皇太后尊號

曰仁慈聖善欽孝廣德安靜貞純懿和寬厚崇覺儀天  
皇太后

道宗清寧元年九月尊皇太后爲太皇太后皇后爲皇太后十二月以應聖節上太皇太后壽宴群臣及命婦二年十二月上皇太后尊號曰懿懿仁和文惠孝敬廣愛宗天皇太后三年十二月太皇太后崩謚欽哀葬慶陵太康二年三月皇太后崩謚仁懿葬慶陵

后妃

遼因突厥稱后曰可敦國語謂之臙俚塞尊稱曰耨幹慶蓋以配后土而母之云太祖稱帝尊祖母曰太皇太后母曰皇太后嬪曰皇后等以徽稱加以美號質于隋唐

文于故俗后族惟乙室拔里氏而世任其國事太祖慕漢高皇帝故耶律兼稱劉氏以乙室拔里比蕭相國遂為蕭氏太祖淳欽皇后述律氏諱平小字月理朶其先回鶻人父婆姑梅里母勾德忽王女后簡重果斷有雄畧太祖即位群臣上尊號曰地皇后神冊元年加號應天大明地皇后太祖怒劉守光使韓延徽不拜留使牧馬后曰守節不屈賢者也太祖乃召與語大悅以為謀主太祖崩斷腕納于柩太宗尊為皇太后後以欲立少子李胡與世宗忤遷祖州崩年七十五祔祖陵謚貞烈重熙二十一年更今謚

太宗靖安皇后蕭氏小字溫淳欽皇后弟室魯之女帝為

大元帥納為妃生穆宗及即位立為皇后性聰慧

尤被寵顧雖軍旅田獵必與偕天顯十年崩于行宮謚

彰德堊奉陵重熙二十一年改今謚

按太宗天顯八年七月行納后禮此時靖安后猶在不知所納者何人將紀載有誤也

世宗懷節皇后蕭氏小字撒葛只淳欽皇后阿古只之女帝為永摩王納之生景宗天祿未立為皇后明年秋生萌古公主在奉察割作亂弒太后及帝后乘步輦直詣察割請畢收殮明日遇害謚曰孝烈重熙二十一年更今謚 妃甄氏後唐宮人有姿色帝從太宗南征得之寵遇甚厚生寧王只沒及即位立為皇后嚴明端重風

神閑雅內治有法莫干以私後爲察割所害景宗立葬  
二后于醫巫閭山建廟陵寢側

穆宗皇后蕭氏父知璠內供奉翰林承旨后生有雲氣馥  
郁久之幼有儀則帝居藩納爲妃及正位中宮性柔婉  
不能規正無子

景宗睿知皇后蕭氏諱綽小字燕燕宰相思溫女早慧思  
溫嘗觀諸女掃地惟后潔除喜曰此女必能成家帝卽  
位選爲貴妃尋冊皇后果生聖宗景宗崩尊爲皇太后統  
和二十七年崩謚曰神聖宣獻皇后重熙二十一年更  
今謚后明達治道聞善必從故群臣咸竭其忠又習知  
軍政澶淵之役親御戎車信賞必罰將士用命聖宗稱

遼盛主后教訓爲多

聖宗仁德皇后蕭氏小字菩薩哥睿智皇后弟隗因之女  
年十二美而才選入掖庭統和十九年冊爲齊天皇后  
嘗以草筵爲殿式密付有司令造清風天祥八方三殿  
既成益寵異後爲欽哀太后誣害葬慶陵 又欽哀皇  
后蕭氏小字翬片淳欽皇后弟阿古只五世孫黜面狼  
視母嘗夢金柱擎天后獨能陞異之入宮嘗拂承天皇  
后榻獲金鷄吞之膚色光澤勝常太后知有奇子已而  
生興宗後誣仁德皇后致之死又謀立少子重元重元  
白帝帝收太后符璽遷于慶州三年帝悔之親御奉迎  
孝養益謹而后常不懌帝崩無戚容清寧初尊太皇太



后崩謚欽哀葬慶陵

興宗仁懿皇后蕭氏小字撻里欽哀皇后弟孝穆之長女性寬容姿貌端麗帝即位入宮生道宗重熙四年立爲皇后二十三年號貞懿慈和文惠孝敬廣愛崇聖皇后道宗尊爲皇太后太叔重元與其子涅魯古謀及太后親督衛士擒之太康二年崩謚仁懿 貴妃蕭氏小字三嬪駙馬都尉匹里之女選入東宮帝即位立爲皇后重熙初以罪降貴妃

按太平八年十一月諸族備會親之帳十二月皇太子納妃蕭氏即此

道宗宣懿皇后蕭氏小字觀音欽哀皇后弟樞密惠之女姿容冠絕工詩善談論自制歌詞尤善琵琶重熙中帝王燕趙納爲妃清寧初立爲懿德皇后皇太叔重元妻以艷冶自矜后戒曰爲貴家婦何必如此后生太子濬有專房寵好音樂伶官趙惟一得侍左右太康初宮婢單登教坊朱頂鶴誣后與惟一私樞密使耶律乙辛以聞詔乙辛與張孝傑劾狀因而實之族誅惟一賜后自盡乾統初追謚宣懿合葬慶陵 惠妃蕭氏小字坦思駙馬都尉霞抹之妹太康二年立爲皇后以妹幹特懶先嫁乙辛子者宜子言于帝離婚納宮中八年皇孫封梁王降爲惠妃徙乾陵幹特懶還其家頃之其母燕國夫人厭魅梁王伏誅貶妃爲庶人幽宜州天慶六年召

還封太皇太妃後二年奔黑頂山卒塋太子山

大祚皇后蕭氏小字奪里懶宰相繼元五世孫大安三年

入宮明年封燕國王妃乾統初冊為皇后性閑淑有儀

則後從天祚西狩以疾終 德妃蕭氏小字師姑北府

宰相常哥女壽隆二年入宮封燕國妃生子撻魯乾統

三年改德妃以柴冊禮封撻魯為燕國王加妃號翼贊

王薨以哀戚卒 文妃蕭氏小字瑟瑟國舅太父房之

女乾統初帝幸耶律撻葛第見而悅之匿宮中後以和

魯幹言禮納為文妃生蜀國公主晉王敖廬幹尤被寵

幸以柴冊加號承翼後以蕭奉先忌晉王誣南軍都統

余覲謀立妃與聞賜死天祚元妃蕭氏小字貴哥燕國

妃之妹年十七冊為元妃性沉靜嘗晝寢近侍盜貂襜

妃覺而不言宮掖稱其寬厚從天祚西狩以疾終

按遼以鞍馬為家后妃往往長于射御軍旅田獵未嘗

不從如應天之奮擊室韋承天之御戎澶淵仁懿之親

破董元古所未有亦其俗也靖安無毀無譽齊天巧思

乃奢侈之漸宣懿度曲知音豈致誣讒之階乎文妃能

歌詩諷諫而謂謀私其子非矣若簡憲之艱危保孤懷

節之從容就義雖烈丈夫何以過之欽哀狠桀賊殺嫡

后而興宗不能防閑其母惜哉

又按聖宗開泰二年正月以馬氏為麗儀耿氏為淑儀

尚寢白氏昭儀尚服李氏順儀尚功艾氏芳儀尚儀孫

氏和儀則宮中女官之制亦極詳備今不可考矣

皇太子皇子

太祖四子淳欽皇后生讓國皇帝倍太宗皇帝章簡皇帝  
李胡宮人蕭氏生牙里果

太宗五子靖安皇后生穆宗欽靖皇太叔登撒葛宮人蕭  
氏生天德冀王敵烈越王必攝

世宗三子長莊聖皇太子吼阿不次景宗生母史俱不書  
妃甄氏生寧王只沒

景宗四子睿智皇后生聖宗皇太弟隆慶齊孝靖王隆祐  
其第四藥師奴不詳所出

聖宗六子欽哀皇后生興宗皇太叔重元第三柳城郡王  
別古特不詳所出僕隗氏生燕王吳哥南府宰相狗兒  
姜氏生混同郡王侯古

按聖宗開泰七年皇子宗真封梁王宗元永清軍節度  
使宗簡右衛大將軍宗愿左驍衛大將軍宗偉右衛大  
將軍宗真即興宗也其名與上不同而又止五人蓋名  
乃後時改易而狗兒暴疾薨故止五耳

興宗三子仁懿皇后生道宗皇太叔義和仁壽和魯幹秦  
魏欽正王阿連

道宗一子宣懿皇后生名濬

天祚六子文妃生一子曰敖魯幹元妃生一子曰稚里七  
歲欲立爲太子別置禁衛封梁王天祚奔夏衆推稱帝

改元神曆其燕王習泥烈秦王定許王寧俱不詳所出

公主

太祖一女質魯適淳欽皇后弟蕭室魯幼為與姑未封卒

凡婚燕禮推女子可尊敬在于與謂之與姑

太宗二女呂不古應曆間封汧國長公主保寧中進封燕

國大長公主適北府宰相蕭思溫 嘲瑰適北府宰相

蕭海黎應曆初未封卒

世宗三女和古典保寧間封秦國長公主適侍中蕭嘏里

觀音保寧間封晉國長公主適蕭夏刺 撒刺適蕭

幹里未封卒 以上皆懷節皇后生

分歸女觀音封魏國公主進封齊國景福中封燕國大

長公主適北府宰相蕭繼先皇后加愛賜奴婢萬口重

熙中薨 長壽封吳國公主統和初進封衛國改封魏

國長公主適宰相蕭排押開泰六年薨 延壽封越國

公主追封趙國適蕭恒德性沉厚執婦道不以貴寵自

驕睿聖皇后于諸女中尤愛早卒 以上皆睿聖皇后生 叔哥無

封號乾亨二年適盧俊不諧改適蕭神奴 勅每妃生

按聖宗統和元年二月以皇女長壽公主下嫁國舅宰

相蕭婆項于吳留十月以公主淑哥下嫁國舅詳穩照

姑七年四月國舅太師蕭撻為子排亞請上皇女延壽

公主許之今攷之公主表所適之人不同豈名異而人

則一乎此不可曉矣

聖宗十四年燕哥封隋國公主進封秦國興宗封宋國長

公主適蕭匹里貴妃生巖母堇開泰七年封魏國公主

進封秦國長公主改封秦晉國長公主清寧初加太長

公主初適蕭噉不睦改適蕭海里不睦又適蕭胡觀又

不睦乃適韓國王蕭惠以帝女而改適者四夷風俗不

改云 樂古封越國公主進封晉國景福初封燕蜀國

長公主清寧初加太長公主適蕭孝忠姿質娟秀禮法

自將以上欽哀皇后生崔八封南陽郡主進封公主適蕭孝

先太平末大延琳反遇害 陶哥封長寧郡主進封公

主適蕭楊六以上蕭氏生 鈿匿封平原郡主進封荆國公

主適蕭雙古亦蕭氏生 九哥封潯陽郡主進封公主適蕭

璉馬氏生 長壽封臨海郡主進封公主適大力秋力秋

坐延琳事誅改適蕭愷古大氏生 八哥封同昌縣主進

封公主適劉三嘏 十哥封三河郡主進封公主適奚

王蕭高九 肇失封仁壽縣主進封公主適劉四端

泰哥封號未詳適忽烈以上俱白氏生 賽哥封金鄉郡主進

封公主適蕭圖玉以殺無罪婢被謫圖玉亦坐不能齊

家貶官李氏生 興哥封號未詳適王六艾氏生

按聖宗開泰元年二月詔封皇女八人為郡主即上諸

女是也以是知遼于公主恩典亦不輕矣

興宗二女 跋芹封魏國公主重熙末徙封晉國加長公

續文獻通考 卷之三百八十九 十五

主適蕭撒八不諧改適蕭阿速以婦道不修徙中京又

適蕭窩匿 幹里太封鄭國公主清寧間加長公主壽

隆間加太長公主適蕭余里也以上俱仁懿皇后生

道宗三女撒葛只封鄭國公主咸雍中徙封魏國適蕭末

沉静有智太康初薨 紉里封齊國公主進封趙國適

蕭撻不也不也坐昭懷太子事被害其弟訛都幹欲逼

尚公主公主以訛都幹黨乙辛惡之未幾都幹以事伏

誅天祚幼乙辛用事公主每以匡救為心竟誅乙辛大

安五年薨 持里封越國公主乾統初徙封梁宋國大

長公主適蕭酬幹酬幹得罪改適蕭特末特末亦為金

人所擒公主從天祚出奔没于金以上俱宣懿皇后生懿皇后生

昭懷太子一女 延壽 楚國公主徙封許國乾統元年

進封趙國加晉國太長公主適蕭韓家奴公主幼遭乙

辛難與兄天祚俱養于蕭懷忠家後李氏進挾轂歌天

祚感悟召還宮

天祚六女 余里衍封蜀國公主文妃生為金人所獲元

妃生三女官人生二女俱為金人所獲

和番公主西夏高麗雖遼之屬國而叛服不常終非所樂與婚也故總謂之和番

義成公主聖宗統和五年十二月西平王李繼遷為子

求婚詔以王子帳節度使耶律襄之女汀封義成公主

嫁之

蕭恒德女統和十四年三月高麗王治為子求婚許以

東京留守駙馬蕭恒德女嫁之恒德女下封公主

可老公主大平元年三月大食國王遣使請婚封王子

奕郎君胡思里女可老為公主嫁之

興平公主與宗景福元年十二月以興平公主下嫁夏

國王李德昭子元昊後公主與元昊不睦而沒詔詰其

故興師伐之

成安公主道宗壽隆五年夏國王李乾順三遣使乞尚

公主詔以族女封成安公主下嫁之

皇族

肅宗系

一世 五院夷離堇房洽春 六院郎君房葛刺

四世 五院夷離堇敵魯古

五世 北院大王圖魯寤

九世 侍中陳家奴

不知世次 太子太傅崇古

懿祖系

一世

六院夷離堇房帖刺 六院部舍利房裏古直

簡獻皇帝兄匣馬葛

二世

夷離堇菴古只 于越轄底俱帖刺子

遙輦可汗時本部夷離堇偶思馬葛子

三世 迭里特轄底子 何魯敦于越曷魯偶思子

四世 惕刺撒刺曷魯子

五世 太師斜軫

六世 小將軍狗兒

不知世次

北院夷離堇斜涅赤 政事令捷烈

北院大王曷魯 南院大王吾也

右皮室詳穩老古 大王頗德

玄祖系

一世

橫帳孟父房楚國王巖木 仲父房隋國王釋魯

二世

迭刺部夷離堇胡古只 迭刺部夷離堇末掇

迭刺部夷離堇楚不魯俱子孟父房滑哥駢父

于越魯不古所知所出

三世

彌捷馬絨沙里神速胡古子 北院樞密使安持

左皮室詳穩撒給俱楚不魯子孟父房

于越注 于越休哥洪滑子仲父房

四世 于越高十休哥子 西平郡王賢適魯不古子

五世

于越屋質孟父房 惕隱學古



東路統軍使烏古不

國留

昭德節度資忠昭俱注

匡義節度馬哥休哥孫以上俱

仲父

六世 党項節度使唐屋質從子孟父房

八世 節度劉家奴屋質曾孫孟父房

九世 昭德節度使孟簡劉家奴子孟父房

孟父房不知世次

惕隱朔古

匡義節度大悲奴

惕隱何魯掃古

條列 撒刺竹

漆水郡王顏纛

北院宣徽使敵祿

右皮室詳穩奚低

南院大王善補

侍中化哥

于越弘古

北院宣徽使馬祿

南京宣徽使奴古達

燕王瑰引

于越仁先

惕隱許王義先

南面林牙信先三人俱瑰引子

仲父房不知世次

北院大王的祿

北面林牙韓留

定父節度仙童

西北招討使搭不也

大同節度龍首

德祖系

一世

季父房夷離董刺葛

左大相迭刺

許國王寅底石  
南府宰相蘇

明王安端  
鐸穩

二世

賽保

中京留守拔里俱刺葛子

劉哥

盆哥

化葛里

察割安端子

奚蹇俱寅底石子

三世

鎮國節度合住迭刺孫

中書令阿烈寅底石孫

尚父奴瓜蘇子之孫

四世 太師豁黑斯鐸穩曾孫

五世

北院樞密使頗的奴瓜孫

惕隱蒲古奴瓜孫

惕隱燕哥黑斯子

六世 北院樞密使霞抹頗的子 鐵驪蒲古子

七世 混同郡王幹特刺何烈玄孫

季父房不知世次

平章的烈

中京路案問使和尚

林牙高家

漆水郡王撻不也

南府宰相釋魯幹

烏古部節度普古

北面大王特麼

先鋒都監張奴

檢校太師吳九

林牙庶成

都林牙庶箴成子

卷古只朗

太祖系

一世

讓國文獻皇帝倍

章肅皇帝李胡世宗時與子喜隱謀反死於獄

惕隱牙里果

二世

平王隆先

晉王道隱

婁國俱讓國皇帝子

宋王喜隱世宗釋其謀反罪景宗時復謀反囚祖州

衛王宛俱章肅皇帝子

南府宰相

室魯

北院大王奚低俱果子

太宗系

一世

太平王罽撒葛

天德

冀王敵烈

越王必攝

二世 蛙哥

景宗系

一世 皇太弟隆慶

齊國王隆祐

二世

魏國王查葛

幽王遂哥

陳王謝家奴

遼西郡王驢莫

續文獻通考卷之二百八十九 一百八十二賢

漆水郡王蘇撒俱隆慶子 周王胡都古

魏王合祿俱隆裕子

三世 祇候郎君王家奴 祇候郎君羅漢奴俱蘇撒子

聖宗系

一世

皇太叔重元 椰城郡王別古特

燕王吳哥 南府宰相狗兒

混同郡王候古

二世 涅魯古重元子

五世 敵烈吳哥玄孫

興宗系

皇太叔和魯幹

二世

漆水郡王石篤 匡義節度遠

秦晉國王淳稱帝俱和魯幹子

金

太祖應乾興運昭德定功仁明莊孝大聖武元皇帝其始  
祖諱函普其部人兩族有鬪者函普解之遂得六十歲  
未嫁之女生二男一女長曰烏魯次曰幹魯女曰注思  
板因為完顏部人姓完顏氏傳德帝始祖長子安帝德帝子獻  
祖安帝子昭祖獻祖子至太祖本諱阿骨打後改諱旻乃  
世祖第二子母曰翼簡皇后孛懶氏以收國元年正月

續文獻通考卷之二百八十九 三十一

紀元虞... 三百八十三頁

即帝位建國號曰金取其堅又白為二年諳班勃極烈

吳乞買及群臣上尊號曰大聖皇帝七年八月戊申崩

于部堵西行宮在位九年壽五十六 改元二收國二

年天輔七年

太宗體元應運世德昭功哲惠仁聖文烈皇帝本諱吳乞

買改諱晟世祖第四子母曰翼簡皇姑孛懶氏太祖母

弟初為穆宗養子收國元年七月命為諳班勃極烈太

祖崩即帝位十三年正月崩于明德宮壽六十一 改

元一天會十三年

熙宗弘基續武莊靖孝成皇帝本諱合剌改諱亶太祖孫

景宗子母蒲察氏天會八年諳班勃極烈果薨定為儲

十二年即帝位皇統元年正月群臣上尊號曰出元

體道欽明文武聖德皇帝九年平章政事亮與所親駙

馬唐括等謀亂弒帝時年三十一降帝為東昏王世宗

初元復帝號閔宗十九年升祔太廟增謚二十七年改

號熙宗 改元二天眷三年皇統九年

廢帝海陵庶人亮字元功本諱廸魯乃遼王宗幹第二子

母大氏弒熙宗自立群臣上尊號曰法天應運睿武宣

文大明聖孝皇帝正隆元年正月群臣上尊號曰聖文

神武皇帝六年完顏元宜等軍反遇弒在位十一年壽

四十大定二年降封海陵郡王謚曰煬二十年詔降為

海陵庶人 改元三天德四年元貞三年正隆六年

續文獻通考 卷之三百八十九 三十三

續文獻通考 卷之二百八十九 三百八十二頁 四島志 蘇天

世宗光天興運文德武功聖明仁孝皇帝本諱烏祿改諱  
雍太祖孫睿宗子也母曰貞懿皇后李氏初封曹國海  
陵陰謀為害未發及南征軍士遂立為帝大定初群臣  
上尊號曰仁明聖孝皇帝五年二月群臣加上尊號曰  
應天興祚仁德聖孝皇帝十一年十一月群臣復上尊  
號曰應天興祚欽文廣武仁德聖孝皇帝二十九年正  
月祭已崩于福寧殿壽六十七 改元一大定二十九  
年

章宗憲天光運仁文義武神聖英孝皇帝諱璟小字麻達  
葛世宗子也母曰孝懿皇后徒單氏大定二十九年正  
月世宗崩即帝位于柩前太和八年十一月丙辰崩于  
福安殿在位二十四年壽四十一 改元三明昌六年

永安五年太和八年

衛紹王諱允濟小字興聖章宗時避顯宗諱詔改允為永  
世宗第七子進封衛王章宗無嗣承遺詔即帝位于柩  
前為胡沙虎所弒降封東海郡侯貞祐四年追復衛王  
改元三大安四年崇寧一年至寧一年

宣宗繼天興統述道勤仁英武聖孝皇帝本名吾祖補改  
諱珣顯宗長子母曰昭華劉氏至寧元年八月衛紹王  
被弒徒單銘等迎即帝位元光二年十二月崩在位十  
年壽六十 改元三貞祐三年興定五年元光二年

哀宗諱守緒初諱守禮又諱寧申速宣宗第二子宣宗崩

即位于柩前宋元兵逼傳位于承麟自焚幽蘭軒在位  
十一年壽三十二 改元三正大八年開興一年天興  
二年  
右金帝九人起收國元年乙未終天興三年甲午共一  
百二十年

追帝者三人

景宣皇帝諱宗峻本諱繩果太祖第二子母曰聖穆皇后  
唐括氏宗峻在諸子中最嫡克遼西京有功太祖崩與  
兄宗幹率宗室群臣立太宗天會二年薨熙宗即位上  
尊謚曰景宣皇帝廟號徽宗以葬興陵海陵弑熙宗自  
立降熙宗為東昏王降帝為豐王世宗復帝熙宗廟號

宣皇帝

宣皇帝諱仁啓聖廣運文武簡肅皇帝諱宗堯初諱宗輔本  
諱訛里朵太祖第八子母曰宣獻皇后徒單氏帝冠諱  
尊嚴人望而畏寬恕好施敦尚誠實太祖征伐四方諸  
子皆總戎旅帝常在帳幄伐遼宋皆有功天會十三年  
薨年四十陪葬睿陵追封恪王謚襄穆皇統六年進葬  
國王正隆二年改封許王子世宗即位追上尊謚廟號  
二年改葬于大房山號景陵

顯宗體道弘仁英文睿德光孝皇帝諱允恭本諱胡土瓦  
世宗第二子母曰明德皇后烏林荅氏大定八年冊為  
皇太子二十五年薨謚為宣孝太子二十九年世宗崩

太孫即位是為章宗追上尊謚祔廟陵曰裕陵帝天性  
仁厚孝友在宮二十五年承意開道四方陰受其賜

皇太后 八皇太后

熙宗天會十一年未改九月尊太祖后統石烈氏太宗后

唐括元太皇太后十四年未改正月朝太皇太后

于兩宮 月太皇太后統石烈氏崩謚欽獻葬慶陵十

五年未改正月朝太皇太后于明德宮 天眷元年九

月朝太皇太后于明德宮 皇統元年九月至自燕京

朝太皇太后于明德宮三年三月太皇太后唐括氏崩

五月致祭皇太后八月謚欽仁葬恭陵四年正月祭欽

仁皇太后哭盡哀

海陵天德二年正月尊嫡母徒單氏及母大氏皆為皇太

后名徒單后宮曰永壽大氏宮曰永寧十一月以太后

旨稱令旨 元貞元年四月皇太后大氏崩大氏與徒

單后甚相得徒單后嘗以海陵之弒熙宗為非又后生

日置酒大氏起為壽徒單方與諸公主語大氏跽者久

之海陵怒曰今日之事豈能尚如前日邪明日召諸公

主及宗婦與徒單語者皆杖之已遷中都獨留徒單於

上京而大氏思念不已臨崩命海陵必迎致謹事之

二年六月遂命右丞相僕散師恭大中正丞胡拔魯如

上京迎永壽皇太后九月親迎皇太后於流沙河令左

右約杖二束自隨跪謝又缺溫清罪十月皇太后至中



都君壽康宮 正隆四年正月朝皇太后於壽康宮外  
極恭順而心懷忿怒 六年八月以皇太后諫伐宋命  
大懷忠等持詔見太后於寧德宮斥令跪受太后方下  
跪虎特末從後擊弒之仍命即宮中焚其尸棄其骨水  
中

按海陵之與姑若姊妹若宗室婦無不污穢也者跡其  
暴橫豈止弒徒單為夷狄所無哉彼大氏之於徒單至  
厚矣臨沒猶不能忘卒不免於祖落之後大氏不瞑矣  
大定二十九年正月璋宗初以皇太后命為令旨二月  
名皇太后所居宮曰隆慶設衛尉等官二月朝於隆慶  
宮每月一朝或至再至五

章宗明昌元年十二月朝皇太后於隆慶宮詔有司正日  
先賀隆慶宮然後進酒

宣宗貞祐元年閏九月追尊皇妣為皇太后

哀宗正大元年正月尊皇后溫敦氏元妃溫敦氏皆為皇

太后 八年九月慈聖皇太后溫敦氏崩遺詔國喪制

度務從儉約十二月葬明惠皇后

后妃

金代后不娶別嬭舅之家有周姬齊姜之義初諸嬭皆無  
位號熙宗始有貴妃賢妃德妃之號海陵後宮寢多元  
妃妹妃惠妃貴妃賢妃宸妃麗妃淑妃德妃昭妃溫妃  
柔妃凡十二位大定後宮簡少明昌以後大備內官制

度諸妃視正一品比三夫人昭儀昭容昭媛修媛充儀  
充容充媛視正二品比九嬪婕妤九人視正三品美人  
九人視正四品才人九人視正五品比二十七世婦寶  
林二十七人視正六品御女二十七人視正七品采女  
二十七人視正八品比八十一御妻又有尚宮尚儀尚  
服尚食尚寢尚功皆內官也

太祖聖穆皇后唐括氏天會十三年追謚 光懿皇后裴  
滿氏天會十三年追謚 欽憲皇后紇石烈氏天會十  
三年尊為太皇太后宮號慶元十四年丁丑崩二月癸  
卯祔葬睿陵 宣獻皇后僕散氏睿宗母天會十三年  
追冊曰德妃大定元年追謚 崇妃蕭氏熙宗時封貴

妃天德二年封元妃尋封太妃後太妃誣以隱惡殺之  
大定十九年詔改葬追封崇妃

太宗欽仁皇后唐括氏熙宗即位與欽憲皇后俱尊為太  
皇太后號明德宮皇統二年崩謚曰欽仁皇后祔葬恭  
陵熙宗悼平皇后裴滿氏初封貴妃天眷元年立為皇  
后干預政事熙宗積怒殺之海陵弑熙宗以後死無葬  
追謚悼皇后大定間加謚悼平皇后祔葬思陵

海陵嫡母徒單氏宗幹正室無子次室大氏生海陵廢人  
海陵弑熙宗與大氏俱尊為皇太后大氏崩以侍婢高  
福娘諧遂見弑後貶海陵為庶人宗幹去帝號復封遼  
王降封徒單氏為遼王妃 生母大氏天德二年與徒

單氏俱尊為皇太后貞元元年崩謚慈憲皇后與德宗合葬大房山升祔太廟大定七年追降為遼王夫人

海陵后徒單氏斜也之女初為岐國妃天德二年立為后

海陵後宮寔多后寵衰希得進見海陵伐宋后與子光

英居守後海陵遇害光英亦被殺后至中都居于海陵

母大氏故宮世宗憐其無依詔歸父母家歲賜錢二千

貫奴婢皆給官廩大定十年卒 海陵諸嬖初即位時

進徒單氏為皇后第二娘子 大氏封貴妃第三娘子

太宗蕭氏封昭容 耶律氏封修容 其後貴妃大氏進

封惠妃貞元元年進封妹妃正隆二年進封元妃 昭

容蕭氏天德二年特封淑妃貞元二年進封宸妃 修

容耶律氏天德四年進封昭媛貞元元年進昭儀三年

進封麗妃即位之初後宮止此三人尊卑之叙等威之

辨若有可觀者及其侈心既萌淫肆蠱惑不可復言矣

昭妃阿里虎姓蒲察氏初嫁宗盤子阿虎迭阿虎迭

誅再嫁宗室南家南家死海陵納之初封賢妃再封昭

妃後以嗜酒寵衰又以侍女服男子衣冠號假斷兒有

勝哥者與同出起如夫婦厨婢三娘以告使人縊死之

貴妃定哥姓唐括氏崇義節度使烏帶之妻海陵使定

哥殺烏帶而納之定哥自其夫在時與家奴鬪乞兒通

及為貴妃寵頗衰欲以計納乞兒宮中恐聞者索之乃

令侍兒以大篋盛褻衣其中遣人載入宮闈者始見悔

續文獻通考 卷之二百八十九 二十六 四百六十陸本  
懼定哥復使人詰責曰我天子妃親體衣耳爾故玩視  
何耶我且奏之聞者惶恐謝後不敢遂復以篋盛乞兒  
入宮十餘日使衣婦人衣雜諸宮婢抵暮遣出後事覺  
定哥縊死乞兒伏誅

睿宗欽慈皇后蒲察氏睿宗元配睿宗爲左副元帥薨追  
封潞王后封爲潞王妃皇統六年進號冀國王妃正隆  
例降封許王妃世宗卽位睿宗升祔追謚欽慈皇后  
貞懿皇后李氏世宗母遼陽人睿宗薨時世宗年十三  
后教以義方嘗謂親曰吾兒有奇相貴不可言居上京  
內治嚴肅臧獲皆守規矩衣服飲食器皿皆精潔較睦  
親族周給貧乏宗室中甚敬之後有欲續娶者后乃祝

髮爲比丘尼號通慧圓明大師賜紫衣歸遼陽營建  
安禪寺別爲尼院居之正隆六年五月卒世宗卽位謚  
曰貞懿皇后其寢園曰孝寧宮

世宗昭德皇后烏林荅氏性聰敏孝慈在父家宗族敬重  
既歸世宗事舅姑孝謹治家有叙世宗在濟南海陵召  
后來中都后曰我不行上必殺王我當自勉不以相累  
也至良鄉自殺大定二年追冊爲昭德皇后世宗終身  
不立后曰念皇后之德今無其比也章宗時有司奏太  
祖謚有昭德字改謚明德皇后 元妃張氏父玄徽母  
高氏與世宗母貞懿皇后葭蓆戚世宗納爲次室生趙  
王永中而卒大定二年進封宸妃又進惠妃十九年進

元妃 元妃李氏南陽郡王李石女生鄭王允蹈衛紹王允濟潞王允德豫王允成母昭儀梁氏早卒上命允成爲妃養于大定九年封賢妃二年進貴妃七年進元妃妃雖貴不預政二十一年薨于長春宮還葬京師海王莊二十八年陪葬坤厚陵衛紹王即位追謚光獻皇后貞祐三年九月崩皇后號

顯宗孝懿皇后徒單氏其先忒里闐棘人父貞尚遼王宗幹女梁國公主后生于遼陽生時母夢神投寶珠光焰滿室既生紅光燭庭稍長父母令總家政細大畢辦諸男不及也大定四年納爲皇太子妃未幾生皇孫又生麻達葛山后素謹畏戒其父母家善自保持而后家果

以海陵事敗蓋其遠慮如此章宗即位尊爲皇太后后奉

禮罰至又嘗戒諸姪毋肆非違以干常憲明昌二年崩

于隆慶宮年四十五謚曰孝懿祔葬裕陵 昭聖皇后

劉氏遼陽人天眷九年九月夜后家若見有黃衣女子

入其母室中者俄頃后生性聰慧凡字過目不忘讀經

經旬日終卷大定元年選入東宮三年三月十三日宣

宗生是日大雨震電后驚悸得疾卒承安五年贈裕陵

昭華宣宗即位追尊皇太后

章宗欽懷皇后蒲察氏上京路曷速河人始生有紅光被

體移時不散就養于姨冀國公主既長孝謹如事所生

大定二十三年章宗爲金源郡王行納采禮世宗遣近

侍就賜金百兩銀千兩廐馬六匹重綵三十端拜命間  
慶雲見于日側觀者異之親迎後封金源郡王夫人後  
進封妃崩帝即位加追冊詔告中外奉安神主于坤寧  
宮歲時致祭大安初祔塋道陵 元妃李氏名師兒父  
湘毋王昉兒皆微賤大定末以監戶女子入宮時宮教  
張建設青紗障教諸宮女惟師兒易爲領解後章宗納  
爲妃妃知文義善伺候顏色大見愛幸明昌四年封爲  
昭容又進封淑妃遂欲立爲后大臣固執不可不得已  
進封元妃章宗無嗣立衛王妃與完顏匡有力焉而匡  
欲專爲已功遂誣構妃欲令宮人詐作有身計取他兒  
充皇嗣乃賜妃自盡

宣宗后從單氏大安元年立爲皇后至寧元年胡沙虎  
亂與衛王俱遷于衛邸帝遇弒宣帝即位衛王降爲東  
海郡侯徒單氏削皇后號貞祐二年遷都汴詔凡衛紹  
王及鄜厲王家人皆徙鄭州仍禁錮不得出入男女不  
得婚嫁者十九年天興元年詔釋禁錮不知所終

宣宗皇后王氏中都人明惠皇后妹也其父嘗夢二玉梳  
化爲月而生二后宣宗爲冀王時納爲元妃姊爲淑妃  
淑妃生哀宗后無子養哀宗爲子貞祐二年七月賜姓  
溫敦氏立爲皇后哀宗即位尊后爲皇太后后號其宮曰  
仁聖及京城破后及諸妃嬪北遷不知所終 明惠皇  
后王皇后之姊也生哀宗宣帝即位封爲淑妃及妹立

爲后進封元妃哀宗即位尊爲皇太后疏其宮曰慈聖  
后性端嚴哀宗立爲皇太子有過尚切責  
免橫楚尚食以王盜奉太后及帝與中宮而  
妃龐氏以瑪瑙器進后見之怒曰誰命汝妄生分別荆  
王母豈卑我兒婦耶是後宮中奉真妃有加或告荆王  
謀不軌議獄已決后謂帝曰汝止一兄柰何欲以讒言  
害之立趣赦出涕泣慰撫時有獻聖德中興頌者后不  
悅曰僅一小捷何中興而諂之若此正大八年九月后  
崩遣命薄葬十二月葬迎朔門外五里莊獻太子墓之  
西謚明惠

哀宗皇后徒單氏宣宗及后有疾后嘗割膚以進宣宗聞  
而嘉之正大三年詔立爲皇后哀宗遷歸德遣后弟四  
喜等請汴奉迎夜至陳留不敢進復歸于汴未幾城破  
北遷不知所終

皇太子 皇子

太祖十六子聖穆皇后生景宣帝豐王烏烈趙王宗傑光  
懿皇后生遼王宗幹欽憲皇后生宋王宗望陳王宗雋  
潘王訛魯宣獻皇后生睿宗幽王訛魯朵元妃烏古論  
氏生梁王宗弼衛王宗強蜀王宗敏崇妃蕭氏生紀王  
習泥烈息王寧吉莒王燕孫娘子獨奴可生鄴王幹忽  
太宗十四子蒲魯虎胡魯斛魯補阿魯帶阿魯補斛沙虎  
阿鄰阿魯鶻懶胡里甲神土門斛勃束幹烈鶻沙母氏

所出俱不詳海陵時俱被害太宗後絕

熙宗二子長曰濟安悼平皇后以皇統二年二月生于天  
開殿時上年二十四始有子大赦天下告天地宗廟剪  
髮復告天地宗廟旋冊為皇太子十二月濟安病劇上  
與皇后幸佛寺焚香流涕哀禱曲赦五百里內罪囚是  
夜薨謚英悼太子塋興陵之側命工塑像于儲慶寺次  
曰道濟賢妃所生皇統三年命為中京留守以直學士  
阿懶為都提點張玄素為同提點輔道之俄封魏王封  
其母為賢妃初居外後養之宮中未幾熙宗怒殺之  
金初制度未立太宗熙宗皆自諳班勃極烈即帝位諳  
班勃極烈者漢語最尊官也熙宗立濟安為皇太子始

正名位定制焉

海陵四子皇太子光英宗王元壽宿王矧思阿禱滕王唐  
陽母氏所出不詳

睿宗二子長世宗次齊王吾里補

世宗十子昭德皇后生顯宗趙王執輦越王斜魯元妃張  
氏生鄜王允中越王允功元妃李氏生鄭王允蹈衛紹  
王允濟潞王允德昭儀梁氏生豫王允成才人石抹氏  
生夔王允升執輦斜魯皆早卒

顯宗七子孝懿皇后生章宗昭聖皇后生宣宗諸姬田氏

生鄆王承慶徽名瀛王歡魯徽名霍王阿鄰徽名劉氏

生瀛王吾里補徽名王氏生溫王謀良虎徽名



章宗六子欽懷皇后生絳王洪裕資明夫人林氏生荆王  
洪靖諸姬生榮王洪熙英王洪衍壽王洪輝元妃 氏  
生葛王忒鄰六子皆早卒

衛紹王六子皇太子從恪次猛安名按出按辰名

瑪可考四人毋氏所出不詳

宣宗四子莊獻太子守忠及玄齡其毋未詳明惠皇后生  
未帝真妃麗氏生荆王守純守忠子冲懷皇太孫鑑守  
純子曹王訛可戴王某輩王孛德時有肉芝狐號之惟  
諸王及宗室皆死青城

公主 史多不全

太祖女畢國公主下嫁烏古訛論

太宗女鄂國公主下嫁奪阿鄰

熙宗女鄭國公主下嫁蒲察鼎壽 潘國公主下嫁徒單

釋史云第七又府君奴尚熙宗女不著封號

睿宗妹梁國公主下嫁僕散揆

睿宗女楚國公主下嫁唐括德温 冀國公主下嫁烏古

論粘沒喝

海陵姊遼國公主迪鉢 定國公主崔哥 女弟慶宜公

主皆下嫁蒲察阿虎迭

世宗女魯國公主下嫁烏古論元忠第一唐國公主下嫁

徒單思忠第二吳國公主下嫁唐括貢第四宛國公主

下嫁烏林荅復第七定國公主景國公主道國公主皆

下嫁蒲察辭不夫 衛國公主下嫁蒲速烈 韓國公

主下嫁僕散揆 澤國公主長樂與鄭王永蹈謀不軌

賜自盡不著所尚 以上皆不知次第

顯宗女鄴國公主下嫁烏古論誼 邢國公主下嫁僕散

安貞昇國公主不著所尚

章宗女郕國公主下嫁烏林答琳

宣宗女溫國公主不著所尚

皇族

熙宗皇統四年詔左丞勗平章政事與職俸外別給二品

俸舊制皇兄弟子為皇子給二品俸宗室封一字王者

給三品俸勗等別給二品俸異數也 六年正月封太

祖諸孫為王

海陵天德二年四月殺太宗子孫七十餘人周國王宗翰

子孫三十餘人諸宗室五十餘人十二月詔改定繼絕

法 正隆二年三月改定親王以下封爵等第命置局

追取存亡告身存者二品以上死者一品叅酌削降公

私文書但有王爵字者皆立限毀抹雖墳墓碑志並發

而毀之

世宗大定二年授張錫河間府事引見于香閣諭曰聞皇

族居彼者縱甚公當以法繩之錫下車宣布詔言後無

有撓政亂民者十二年十月以德州防禦使文貲產賜

其兄之子咬住且諭其毋日文之罪汝等皆當連坐念

宋王有大功于國故置不問仍以家產賜汝子十月上  
謂宰臣曰宗室中有不任官事者若不加恩澤于親親  
之道未弘朕欲授以散官量與廩祿未知前代何如左  
丞石琚曰陶唐親九族周家睦九族見于詩書皆帝王  
美事也十六年正月詔宗室未附玉牒者並與編次十  
七年二月上謂宰臣曰宗室中年老者往往未有官稱  
其先嘗有功于國朕欲稍加以官使有名爵者可稱如  
何對曰親親報功帝王之令則五月尚書省奏定皇家  
袒免以上燕享班次並從唐制十八年十一月尚書省  
奏擬宗室同知永寧軍節度使阿可爲剌史上以阿可  
年幼雖宗室不可私阻之二十年四月制宗室及

并一品命婦衣服聽用明金二十二年十月徙河間

室于平州二十五年四月以會寧府官一人兼太宗正  
丞以治宗室之政是月宴宗室宗婦于皇武殿大功親  
賜官三階小功二階總麻一階年高屬近者加宣武將  
軍及封宗女賜銀絹各有差曰朕尋常不飲酒今日甚  
欲成醉此樂亦不易得也宗室婦女及群臣故老以次  
起舞進酒上曰吾來數月未有一人歌本曲者吾爲汝  
等歌之命宗室子弟叙坐殿下者皆坐殿上聽上自歌  
其詞道王業之艱難及繼述之不易至慨想祖宗宛然  
如覩慷慨悲激不能成聲歌畢泣下右丞相元忠率群  
臣宗戚捧觴上壽皆稱萬歲于是諸夫人更歌本曲如

私家之會既醉上復續調至一鼓乃罷二十九年六月

時章宗已即位詔有司諸親王到任各給錢二十萬

章宗明昌元年六月制定親王家人有犯其長史府掾失覺察故縱罪八月勅麻吉以皇家祖免之親特收充尚書省祇候郎君仍為永制三年四月勅親王衣領用銀褐紫緣十月諭諸王府傳尉勸道彌縫無及鎖碎之事無妨公道者四年十二月諸王府增置司馬一人五年九月修玉牒成定皇族收養異姓男為子者徒三年姓同者減二等立嫡為後者徒一年太和六年三月大睦親府進重修玉牒七年遣中使馮賢童以實封御札賜張行簡曰朕念鎬鄭二王誤于天常自貽伊戚臺臺郊

野多歷年所朕甚悼焉欲追復前爵備禮改葬卿可詳

閱唐貞觀追贈隱巢并前代故事密封以聞又曰欲使石古乃于幽州擇地營葬歲時致奠兼命衛王諸子中立一人為鄭王後修其祭祀此事既行理須降詔卿草詔文大意一就封進行簡乃具漢淮南厲王長楚王英唐隱太子建成巢刺王元吉譙王重福故事為奏并進詔草遂施行焉時以衛王子按辰為鄭王後

宣宗貞祐三年九月命司屬令和尙等護治鞏國公按春第上謂宰臣曰按春所為不慎或至犯法舍之則理所不容治之則失親親之道但當設官防之耳按春尋以不法謫博州防禦使興定元年八月御史大夫永錫失

律當斬從坦以近族上疏救之乃削官爵特賞其死元光二年詔論宰臣曰樞密副使賽不本皇族也先世偶然脫遺朕重其舊人且久勞王事已命睦親府附屬籍矣卿等宜知之

哀帝正大二年十月內族王家奴故殺鮮于主簿權貴多救之者上曰英王朕兄敢妄撻一人乎朕為人主敢以無罪害一人乎衰弱之際生靈有幾何而族子恃勢殺主簿吾民無主矣特命斬之天興元年四月釋鎬厲王衛紹王二族禁錮聽自便

始祖系

一世 幹魯 與德帝凡二人

八世

匡本名撒速

德帝系

一世 輩魯 與安帝凡二人

三世 胡率 輩魯孫

四世 特進劾者

安帝系

一世 信德 謝庫德 謝夷保 謝里忽 與獻祖共五人

二世 開府儀同三司益紉 夷保子

三世 儀同三司拔達 庫德孫

獻祖系

一世 朴都 阿保寒 敵酷 敵古廼 撒黑

撒葛周 與昭祖共七人

昭祖系

一世

烏骨出

跋黑

跋里黑

斡里安

胡失荅

與景祖共六人

二世

勃極烈辭不失

本名何買烏骨子

三世

太保兼都元帥昂

本名奔視跋黑孫

四世

寧州刺史宗亨

辭不失孫

尚書右丞相宗賢

辭不失孫

右丞相兼都元帥宗浩

昂子

景祖系

一世

韓國公劾者

沂國公劾孫

代國公劾真保

虞國公麻頗

阿離合懣

勃極烈鄭國公謾都訶

本名阿捨與世祖肅宗穆宗共九人

二世

忽魯勃極烈金源郡王撒改

劾者子

西南路都統金源郡王斡魯

劾者子

大司空昱

本名蕭家奴劾孫

金紫光祿大夫謾都本麻頗子

謾睹 麻頗子

賽也 麻頗子

太尉左丞相晏 本名韓魯又名訛論合邁子

工部尚書謀里也 謾都子

三世

太保領三省事王宗翰 本名浩沒

特進扎保迪 撒改子

尚書右丞相宗憲 撒改子

銀青 大夫撒八 韓魯子

宗尹 賽也子

宗寧 賽也子

懋里乃 晏子

河南路統軍使宗道 晏子本名八十

四世

賽里 撒八子

韓州刺史 字寧子

五世

左丞相秉德 宗翰孫

斜哥 宗翰孫

阿魯 早魯孫

世祖系

一世

諸班勃極烈遼王杲 本名斜也

魏王幹帶

鄭王幹賽

魯王幹者

漢王烏古乃

魯王闍母

沂王查刺

鄆王霸合布里

平章政事鄆王昂

本名烏特與康宗太宗共十二人

二世

平章政事宗義

本名索吉

龍虎衛上將軍蒲馬

龍虎衛上將軍李論出

龍虎衛上將軍阿魯

龍虎衛上將軍懷喝

襲猛安阿虎里

六人俱果子

震武軍節度使宗永

幹養子

驃騎上將軍神土德

驃騎上將軍神土德

幹者子

參知政事宗叙

闍毋子

益都尹鄭家

昂子

群牧使鶴壽

昂子

特進悟烈

霸合布里子

三世

御史大夫璋

本名胡府命神土德子

右丞相承輝

鄭家子

順義軍節度使秉

本名醜漢悟烈子

肅宗系

一世 溫國公釋酷欵 崇國公蒲魯虎

穆宗系

一世

太師領三省事勗

本名烏也

左副元帥捷懶

齊國公蒲察

崇國公蒲里迭

銀青光祿大夫撒祀

二世 刑部尚書宗秀

勗子

康宗系



一世

楚王謀良虎改名宗雄

昭武大將軍同副苗

龍虎衛上將軍隈可

二世

余里也

襲猛安蒲魯虎

太子太保余源郡王按荅海

兵部尚書阿鄰已上五人俱謀良虎子

三世 金紫光祿大夫桓端蒲魯虎子

四世 上京路提刑使蒲帶余里也係 裊頻桓端子

太祖系

一世

太師領三省事遼王宗幹

左副元師宋王宗望本名幹離不

太師領三省事梁王宗弼本名九木

豐王烏烈

趙王宗傑

右丞相陳王宗

濬王訛魯

幽王訛魯朶

衛王宗強

左丞相曹王宗敏

紀王習泥烈

息王寧吉

莒王燕孫

鄴王幹忽

二世

左丞相代王充

大尉領三省事充

續文獻通考卷之二百八十九 三十五十三抄

輔國上將軍襄

西京留守袞已上俱宗幹子

齊

西京留守京

大名尹荆王文已上俱宗璽子

廣寧尹韓王享

羊蹄已上俱宗弼子

會寧牧鄧王奭宗傑子

太子太傅榮王爽本名阿鄰

兵部尚書可喜

濟南尹阿瑣已上俱宗昂子

舒國公褒

密國公阿里罕已上俱宗敏子

三世

歸德軍節度使檀奴

永元本名牙奴

同知濟南尹耶補

輔國上將軍阿里白已上俱充子

同知定武軍節度使阿合克應國公和尚襄子

捷懶 襲猛安敵住齊子

阿懶奭子

太宗系王未詳

一世王未詳

太師領三省事宋王宗盤 左丞相幽王宗固

代王宗雅 虞王阿魯補

滕王斛沙虎 薛王宗懿

左丞相原王宗本 翼王鶴懶

豐王宗美 鄆王神土門

霍王斛字東 蔡王幹烈

續文獻通考卷之二百八十九 三十五十三抄

畢王宗哲

徐王宗順

二世 阿里虎宗本子

世宗系

一世

鎬王永中

趙王執輦

越王斜魯

越王永功

豫王永成

夔王永升

鄭王永蹈

曹王永德

二世

瑜本名石古乃

璋本名神土門

玘本名阿思邁

琢本名阿離合邁

璐本名福孫為奉國上將軍

璿本名壽孫封密國公

琳本名粘沒喝已上俱永功子

璋本名仁壽

瑋本名仁安已上俱永成子

璉本名慳觀永升子

按春

阿辛二人俱永蹈子

琰本名幹論永德子

不知世次者十一族

阿古廼始祖兄其裔有撻不也遼太合住遼領辰後二州撻不也

之子為胡十門驃騎衛上將軍孫為鈎室合住之子為蒲速越

遼寧正節度使為余里也曹州防為布輝順天軍節度使

保活里始祖弟其四世孫為滓不乃五世孫為石土門源

郡王石土門之子為習失特進為思敬平章政事為阿斯邁為迺

古乃 同中書門下平章事

婆盧火安帝五代孫 都統 其子為婆速孫為吾扎忽

胡特孛山婆盧火族兄弟其子為杲 本名撒離喝行臺尚書左丞相 孫為

宗安 御史大夫

釋古昭祖曾孫 東京留守 其子為阿魯帶 政事 孫為襄 尚書左丞相

崇成昭玄孫 武衛軍都指揮使

阿魯系出景祖 銀青光祿大夫 其子為阿魯補 元帥右將軍 為骨赦 德天

軍節度使 為訛古乃 西南路招討使 為撒荅而骨赦之子為喜哥撒

荅之子為蒲查 西南路招討使

阿離補系出景祖 行臺右丞相 其子為烏塔 尚書左丞 為方 簽書

院事

古八魯穆宗孫 寧州刺史 其子為齊 節度使

拔離速宗室子 元帥左監軍 其族子為銀朮可 同中書門下平章事 為麻

吉 銀青光祿大夫 而銀朮可之子為毅英 平章政事 麻吉之子為沃

側 西北路招討使

宗賢太祖從姪本名阿魯 婆速路兵馬都總管

又朮魯 胡石改 阿喜 突合速皆宗室子不知所

出

元

太祖諱鐵木真姓奇渥温氏蒙古部人其十世祖孛端义

兒母曰阿蘭果火夫亡阿蘭寡居夜寢帳中夢白光自

天窓中入化為金色神人來趨卧榻阿蘭驚覺遂有娠

產一子即壹端义兒也壹端义兒歿子八林昔黑刺禿合必畜嗣生子咩然篤敦妻曰莫挈倫爲押刺伊所滅惟長孫海都得免諸民共立爲君海都歿子拜惟忽兒嗣拜惟忽兒歿子敦必乃嗣敦必乃歿子葛不律寒嗣葛不律寒歿子八哩丹嗣八哩丹歿子也速該嗣并吞諸部落勢愈盛大也速該崩至元三年十月追謚烈祖神元皇帝初烈祖征塔塔兒部獲其部長鐵木真宣懿太后月倫適生帝手握凝血如赤石烈祖異之因以所獲鐵木真名之帝既立滅汪罕伐乃蠻征西夏拔力吉里寨經落思城大掠人民及其橐駝而還元年丙寅帝大會諸王群臣建九旂白旂即皇帝位於斡離河之源諸王群臣共上尊號曰歲吉思皇帝壽六十五癸丑卒癸丑谷至元三年冬十月追謚聖武皇帝至大二年冬十一月庚辰加謚法天啓運聖武皇帝廟號太祖在位二十二年是歲皇子拖雷監國

太宗英文皇帝諱窩闊台太祖第三子母曰光獻皇后弘吉剌氏太祖伐金定西域帝攻城畧地之功居多太祖崩以遺詔即皇帝位始立朝儀皇族尊屬皆拜頒大札華言大撒法言也十三年十一月丁亥大獵辛卯遲明帝崩於行殿在位十三年壽五十六葬起輦谷追謚英文皇帝廟號太宗

定宗簡平皇帝諱貴由太宗長子母曰六皇后乃馬真氏

太宗嘗有旨以皇孫失烈門為嗣太宗崩皇后臨朝元年秋七月即皇帝位於汪吉宿城禿里之地帝雖御極而朝政猶出於六皇后三年春帝崩在位三年壽四十三葬起輦谷追謚簡平皇帝廟號定宗

憲宗桓肅皇帝諱蒙哥睿宗拖雷長子母曰莊獻太后歲

戊辰十二月三日生帝時有黃忽答部知天象者言帝

後必大貴故以蒙哥為名蒙哥單言長生也太宗在潛邸養以

為子屬昂灰皇后撫育之既長為娶大魯刺部女火里

差為妃及睿宗薨乃命歸藩邸從征伐屢立奇功歲戊

申定宗崩諸王拔都木哥等建議推戴即皇帝位於奔

難河遂改更庶政命皇弟忽必烈領治蒙古漢地民戶

九年六月帝不豫癸亥崩于釣魚山壽五十二在位九

年追謚桓肅皇帝廟號憲宗

世祖皇帝諱忽必烈睿宗皇帝第四子母莊聖太后怯烈

氏以乙亥歲八月乙卯生及長仁明英睿事太后至孝

尤善撫下納弘吉刺氏為妃憲宗盡屬以漠南漢地軍

國庶事遂南駐瓜忽都之地憲宗殂親王諸大臣勸進

辛卯即皇帝位三十一年春癸酉帝崩於紫檀殿在位

三十五年壽八十承正統實計十六年百官請謚於南

郊上尊謚曰聖德神功文武皇帝廟號世祖國語尊稱

曰薛禪皇帝建元二中統四年至元三十一年

成宗諱鐵穆不世祖之孫裕宗真金第三子母徽仁裕聖

皇后弘吉烈氏至元三十一年春正月世祖崩夏四月甲午即皇帝位十一年春正月帝崩于玉德殿在位十三年壽四十二謚曰欽文廣孝皇帝廟號成宗國語曰完澤篤皇帝改元二元貞二年大德十一年

武宗諱海山順宗答剌麻八剌之長子母興聖太后弘吉刺氏成宗大德三年封爲懷寧王賜金印十一年成宗崩以世祖曾孫之嫡裕宗正派之博即位于上都至大四年春正月庚辰帝崩於至德殿在位五年壽三十一百官也先鐵木兒等上尊謚曰仁惠慈孝皇帝廟號武宗國語曰曲律皇帝改元一至大四年

仁宗諱愛育黎拔力八達順宗次子武宗之弟母興聖太后弘吉刺氏至大四年春正月庚辰武宗崩庚寅即皇帝位于大明殿七年春正月辛丑帝崩於光天宮壽三十有六在位十年癸卯塋起輦谷從諸帝陵五月乙未群臣上謚曰聖文欽孝皇帝廟號仁宗國語曰普顏篤皇帝改元二皇慶二年延祐七年

英宗諱碩德八剌仁宗嫡子母莊懿慈聖皇后弘吉刺氏延祐三年十二月丁亥立爲皇太子授金寶七年春正月戊戌仁宗不豫帝憂形於色夜則焚香泣天求代辛丑仁宗崩帝哀毀過禮素服寢於地日齎一粥三月庚寅帝即位於大明殿五月壬辰朔車駕幸上都還駐南坡鐵失赤斤鐵木兒等弒帝於行幄年二十一從塋諸

帝陵泰定元年二月上尊謚曰睿聖文孝皇帝廟號英宗改元一至治三年

泰定皇帝諱也先鐵木兒顯宗甘麻刺之長子裕宗之嫡孫初世祖以第四子那木罕爲北安王北妻薨顯宗以長孫封晉王至元十三年帝生於晉邸嗣晉王仍鎮北邊成宗武宗仁宗之立咸與翊戴謀有盟書焉英宗遇弒諸王按梯不花奉皇帝璽綬北迎帝于鎮所癸巳即皇帝位於龍居河致和元年七月庚午帝崩于上都即位五年壽三十六帝雖裕宗長孫以自立故文宗不爲立廟謚止稱爲泰定帝改元二泰定五年後改致和三年王禰曰武宗以兄弟相及約繼世子孫迭居大位而仁

宗惑於僞言不踐宿諾傳位英宗乃使武宗二子明文宗出居於外及英宗遇弒而明宗在北文宗在南晉邸乘間入繼大統或謂晉邸非所宜立雖然晉王於世祖孫也於次爲長雖守藩服嘗有盟書今國統之弗繼則末所當立者舍晉王之系將誰屬耶然則謂晉王非所宜立亦過也

明宗諱和世疎武宗長子母仁獻莊聖皇后亦乞烈氏成宗崩武宗入繼大統立仁宗爲皇太子命以次傳於帝仁宗立議建東宮時丞相鐵木迭而欲固位取寵乃議立英宗爲皇太子封帝爲周王出鎮雲南延祐七年仁宗崩英宗嗣立爲御史大夫鐵失等所弒晉王也先鐵



木兒自立爲泰定皇帝泰定崩迎帝弟懷王於江陵正大位是爲文宗帝即位於和寧之北遣武寧王徹禿及哈八兒禿立文宗爲皇太子庚辰帝暴崩年三十在位六月是月己亥皇太子復卽皇帝位上尊謚曰翼獻景孝皇帝廟號明宗

文宗諱圖帖睦爾武宗次子明宗弟母文獻昭聖皇后唐兀氏武宗崩傳位于弟仁宗立英宗爲皇太子及英宗卽位出帝居於海南未幾鐵失等爲逆晉王自立爲泰定帝召帝於海南之瓊州封懷王泰定皇帝崩於上都燕鐵木兒舉義馳驛迎帝至京師卽位于大明殿已遣使奉迎皇兄明宗皇帝於漠北明宗崩帝以明宗后之

命卽位於上都文武百官上尊號曰欽天統聖至德成功大文孝皇帝至順三年帝崩於大都在位五年壽二十有九元統二年上尊謚曰聖明元孝皇帝國語曰札牙篤魯帝三月己酉祔於大廟後至元六年六月以帝謀爲不軌使明宗飲恨而崩詔除其廟主改元二天曆二年至順三年

丘氏濬曰按順帝紀後至元六年詔天下謂文宗謀爲不軌使明宗飲恨而崩則文宗弒逆明矣史綱以暴卒書何夫弒逆大罪也加人以大罪自非覈其獄詞真無毫髮之疑何可輕以加人哉考史文宗崩有子燕帖古思其后舍己子而立明宗之子寧宗寧宗死又迎寧宗

凡順帝於廣西而立之設使文宗果有弑逆之舉文宗  
后獨不慮立所害之人之子他日不報讐于我乎使已  
無子不得已尚求諸他況已有子乎雖后婦人慮不及  
此當時同事之人如燕帖木兒輩固在也不慮及此何  
哉意必順帝憾文宗謂已非明宗子出之於外欲逞其  
憾或者遂從而構之耶其事之可疑有如此者此其所  
以不敢加以大罪與然則文宗謂順帝非明宗子是歟  
曰順帝生朔漠之外其事之真偽不可知若謂其為瀛  
國公之子則愚決不敢信以為然也

寧宗諱懿璘質班明宗第二子母皇后乃蠻真氏天曆二  
年封帝為鄺王至順三年文宗崩皇后遵揚末命傳位  
於明宗之子帝即位於大明殿二月壬辰帝崩年七歲  
在位二月至元四年三月辛酉謚曰冲聖嗣孝皇帝廟  
號寧宗

順帝名妥懽帖睦爾明宗之長子母罕祿魯氏名邁來迪  
明宗后八不沙被讒遇害遂徙帝於高麗使居大青島  
中不與人接越一載詔天下言明宗在朔漠之時素謂  
非已之子移廣西之靜江寧宗崩燕鐵木兒請立燕帖  
古思文宗后曰吾子尚幼妥懽帖睦爾在廣西今年十  
三矣且明宗之長子禮當立之乃與大臣定議立帝四  
年六月帝即位于上都至正二十八年 大明兵至通  
州夜半開建德門北奔後二年因痢疾殂於應昌壽五

十一在位三十六年 大明皇帝以帝知順天命退避  
而去特加其號曰順帝而封其孫買的里八剌爲崇禮  
侯順帝改元三元統二年至元六年至正二十八年

追帝者四人

睿宗景襄皇帝諱拖雷太祖第四子太宗同母弟太宗不  
豫拖雷禱於天地請以身代居數日太宗疾愈拖雷從  
之北還至阿剌合的思之地遇疾而薨壽四十妃怯烈  
氏子十一人長憲宗次四則世祖也憲宗立追謚曰英  
武皇帝廟號睿宗至元二年改謚景襄皇帝

裕宗諱真金世祖嫡子母昭睿順聖皇后弘吉烈氏少從  
姚樞竇默受孝經及終卷世祖大悅十年立爲太子仍  
兼中書令判樞密院事受王冊十八年正月昭睿順聖  
皇后崩太子自獵所奔赴勺飲不入口者終日設廬帳  
居之世祖春秋高江南行臺鑿察御史請禪位於太子  
太子聞之懼未幾遂薨年四十三成宗即位追謚曰文  
惠明孝皇帝廟號裕宗祔太廟

顯宗諱苾麻剌裕宗長子母徽仁裕聖皇后弘吉烈氏甘  
麻刺少育於祖母昭睿順聖皇后日侍世祖至元中奉  
旨鎮北邊二十七年冬封梁王授以金印出鎮雲南二  
十九年改封晉王移鎮北邊統領太祖四大幹耳朵及  
軍馬達達國土更鑄晉王金印授之世祖崩晉王曰昔  
皇祖命我鎮撫北方以衛社稷久歷邊事願服厥職毋

弟鐵木耳仁孝宜嗣大統于是成宗即位而晉王復歸藩邸元貞六年王薨年四十子三人曰也孫帖木兒曰松山曰迭里哥兒不花王薨後十年仁宗即位謚王曰獻武又十一年英宗遇弒也孫帖木兒以嗣晉王即皇帝位追尊曰光聖仁孝皇帝廟號顯宗祔享太廟又六年文帝即位乃毀其廟室

順宗昭聖衍孝皇帝諱荅刺麻八剌裕宗第二子母曰徽仁裕聖皇后弘吉刺氏至元二十八年出鎮懷州以疾召還明年春二月薨年二十九子三人長曰阿木哥封魏王女侍鄂出也妃所生者曰海山是為武宗自愛育黎拔力八達是為仁宗大德十一年秋武宗即位追謚

曰昭聖衍孝皇帝廟號順宗祔享太廟

太上皇太后皇太后太后臨朝稱制及

仁宗延祐六年帝語左右曰前代有太上皇之號今太子且長可居大位朕欲為太上皇與若等遊觀西山以終天年群臣皆稱善左司郎中月魯帖木兒曰臣聞昔所謂太上皇若唐玄宗宋徽宗皆當禍亂不得已而為之願陛下正大位保無疆之業前代虛名何足慕哉帝乃止

世祖時尊后弘吉刺氏為皇太后  
成宗即位尊太母元妃曰皇太后 貞元元年四月立掌謁司掌皇太后寶秩四品以宦者為之

續文獻通考卷之百八十九 五十三 四百十五  
武宗卽位尊太母元妃曰皇太后太后與子海山俱出居  
懷州至是海山自懷州至上都卽位遂尊考曰皇帝母  
曰皇太后始居隆福宮後居興聖宮十一月帝朝隆福  
宮上皇太后玉冊王寶詔皇太后軍民人匠等戶租賦  
徭役有司勿與並隸宣徽院二年冬以皇太后疾釋大  
辟百人三年正月以上皇太后尊號告祀南郊又告祀  
太廟十月帝率皇太子諸王群臣朝興聖宮上皇太后  
尊號冊寶曰儀天興聖慈仁昭懿壽元皇太后仍謝太  
廟赦天下

仁宗延祐二年三月帝率諸王百官奉玉冊王寶加上皇  
太后尊號曰儀天興聖慈仁昭懿壽元全德泰寧福慶  
皇太后

英宗以延祐七年三月卽位尊皇太后爲太后旋受百官  
朝賀於興聖宮十二月帝率百官奉玉冊王寶加上太  
皇太后尊號曰儀天興聖慈仁昭懿壽元全德泰寧福  
慶徽文崇祕太皇太后至治二年九月太皇太后崩十  
二月定謚太皇太后曰昭獻元聖遣太常禮儀院以謚  
議告於太廟

泰定時欲加號太后曰太皇太后命朝臣議之監察御史  
自當曰太后稱太皇太后於禮不合衆皆曰英宗何以  
加皇太后號曰太皇太后自當曰英宗孫也今上子也  
太皇太后之號孫可以稱之子不可以稱之也議遂定

寧宗即位奉王冊王寶尊文宗后不答失里為皇太后十  
二月皇太后御興聖殿受朝賀

順帝即位為皇太后置徽政院設官屬三百六十有六員  
元統二年十月奉王冊王寶上皇太后尊號曰贊天開  
聖仁壽徽懿昭宣皇太后

至元元年正月以上皇太后冊寶遣官告祭天地太廟五  
月皇太后以膺受冊寶恭謝太廟八月議尊皇太后為  
太皇太后許有壬諫以為非禮不從十二月奉王冊王  
寶上太皇太后尊號曰贊天開聖徽懿昭宣皇太后  
儲善衍慶福元太皇太后五年八月詔曰不答失里本  
朕之嬪乃陰構奸臣弗體朕意僭膺太皇太后之號迹  
其閨門之禍離間骨肉罪惡尤重揆之大義削去鴻名

徙東安州安置

帝系考 元下 皇明  
元后妃太子及後宮

太祖光獻翼聖后石旭直弘吉烈氏侍衛神后之安世祖

元二年十二月追諡光獻翼聖皇后

太宗昭慈皇后脫列哥那乃

追諡昭慈皇后升祔太宗廟

曲王寶上皇

皇太后

十二月奉正冊

封東安郡安置

其閨門之節雖間骨肉罪惡亦重於文大美備去賦

續文獻通考卷之一百九十

皇明進士雲間王圻纂輯

帝系考 元下 皇明

元后妃太子及後宮

太祖光獻翼聖后名旭真弘吉刺氏特薛禪之女世祖至

元二年十二月追謚光獻翼聖皇后

太宗昭慈皇后脫烈哥那乃馬真氏生定宗至元二年崩

追謚昭慈皇后升祔太宗廟

定宗皇后名幹兀立海迷失定宗崩抱子失烈門垂簾聽

政六月至元二年追謚欽淑皇后

憲宗皇后名忽都台弘吉刺氏特薛禪孫忙哥陳之女早

崩后妹也速兒繼爲妃至元二年追諡貞節皇后

世祖皇后名察必弘吉刺氏濟寧忠武王按陳女生裕宗  
中統初立爲后至元十年三月授冊寶上尊號貞懿昭  
聖順天睿文光應皇后十四年二月崩三十一子成宗  
即位五月追諡昭睿順聖皇后

成宗皇后名失憐答里弘吉刺氏幹羅陳之女大德三年  
十月立爲后生皇子德壽早薨武宗至大三年十月追  
尊諡貞慈靜懿皇后

武宗皇后名真哥弘吉刺氏脫憐子迸不刺之女至大三  
年四月冊立爲后泰定四年二月崩上尊諡曰宣慈惠  
聖皇后祔武宗廟

仁宗皇后名阿納失失里弘吉刺氏生英宗皇慶三年三  
月冊爲皇后英宗即位上尊號皇太后至治二年崩上  
諡莊懿慈聖皇后

英宗皇后名速哥八刺亦佑烈氏昌國公主益里海涯女  
至治元年冊立爲后泰定四年六月崩諡曰莊靜懿聖  
皇后

泰定皇后名八不罕弘吉刺氏按陳之孫幹留察兒之女  
泰定元年冊爲后

明宗皇后名邁來迪生順帝而崩文宗立諡貞懿徽聖皇  
后

文宗皇后名不答失里弘吉刺氏天曆元年文宗即位立



爲后寧宗即位奉王冊王寶尊爲皇太后順帝元統元年尊爲太皇太后稱制臨朝至元六年詔去尊號安置東安州尋崩

寧宗皇后名答里也忒迷失弘吉刺氏至順二年十月立爲后至正二十八年崩升祔寧宗廟

順帝答納失里皇后欽察氏弟謀逆事發走匿后宫后以衣蔽之因遷后出宮丞相伯顏鵠后於開平民倉

伯顏忽都皇后弘吉刺氏宣慈惠聖皇后真哥姪毓德王孛羅帖木兒之女至元三年三月立爲后生皇子真金二歲而天后性節儉不妬忌動以禮法自持第三皇后奇氏素有寵居興聖四宮帝希幸東內后左右以爲言

后無幾微怨望意居坤德殿終日端坐未嘗妄踰戶闥

至正二十五年八月崩年四十二

完者忽都皇后奇氏高麗人生皇太子愛猷識理達臘會伯顏忽都皇后崩中書省臣奏言后宜正位中宮帝乃授之冊寶二十八年從帝北奔

按后妃之制厥有等威其來尚矣元初因其國俗不娶庶姓非此族也不居嫡選當時史臣以爲甥舅之貴蓋有周姬齊姜之遺意歷世守之固可嘉也然其居則有曰幹耳朶之分沒復有繼承守宮之法位號之淆名分之瀆則亦甚矣

睿宗顯懿莊聖皇后名唆魯和帖尼怯烈氏生子憲宗世

祖相繼為帝至元二年追上尊諡莊聖后升祔睿宗廟  
至大二年十二月加諡顯懿莊聖皇后

裕宗徽仁裕聖皇后伯藍也怯赤一名闊闊真弘吉刺氏  
生順宗成宗先是世祖出獵道渴至一帳房見女子緝  
駝茸世祖從覓馬湏女子曰父母諸兄不在難以與汝  
父母歸出馬湏飲世祖世祖既去嘆曰得此等女子為  
人家婦豈不美耶後遂納為太子妃成宗即位尊為皇  
太后大德四年二月崩祔葬先陵諡曰裕聖皇后升祔  
裕宗廟至大三年十月又追尊諡曰徽仁裕聖皇后

顯宗宣懿淑聖皇后名普顏怯里迷失弘吉刺氏顯宗居  
晉邸納為元妃生泰定帝泰定元年追尊宣懿淑聖皇后

后

順宗昭獻元聖皇后答已弘吉刺氏按陳孫渾都帖木兒  
之女生武宗及仁宗武宗既立尊后為皇太后建興聖  
宮上尊號冊寶曰儀天興聖慈仁昭懿壽元皇太后仁  
宗即位率諸王百官奉玉冊玉寶加上尊號曰儀天興  
聖慈仁昭懿壽元全德泰寧福慶皇太后英宗即位上  
尊號儀天興聖慈仁昭懿壽元全德泰寧福慶徽文崇  
祐太皇太后

元朝正后皆用弘吉刺氏自太祖與族帳設誓同取天  
下世用其女為后猶契丹有國世用蕭氏為后也自正  
宮之下復立兩宮其稱亦曰二宮皇后三宮皇后三曰

續文獻通考 卷之二百九十一 三百七十八何憲  
一輪幸即書宣以召之苟有子則為驗遵金之遺制也

皇太子太子

烈祖神元皇帝五子長太祖皇帝次二撻只合兒王次三  
哈赤溫大王次四鐵木哥幹赤斤皇太弟國王幹噴那  
顏也次五別里古台王

太祖皇帝六子長兀赤太子次二察合台太子次三太宗  
皇帝次四拖雷即睿宗次五元魯赤無嗣次六闊列堅  
太子

太宗皇帝七子長定宗皇帝次二闊端太子次三闊出太  
子次四哈刺察兒王次五合失大王次六合丹太王次  
七滅里大王

睿宗皇帝十二子長憲宗皇帝次二忽覲都次三失其名  
次四世祖皇帝次五失其名次六旭烈兀大王次七阿  
里不哥大王次八撥綽大王次九赤哥大王次十歲都  
哥大王次十一雪別台大王次十二河間王勿察

憲宗皇帝五子長班禿大王次二阿速瓦大王次三玉龍  
答失大王次四阿平王昔里吉次五辨都早卒無嗣

裕宗皇帝三子長晉王甘麻剌即顯宗次二答剌麻八剌  
太子即順宗次三成宗皇帝

顯宗皇帝三子長梁王松山次二泰定皇帝次三海寧王  
迭里哥兒不花

世祖皇帝十子長朶兒只王次二皇太子真金即裕宗次

三安西王忙哥刺次四北安王那木罕無後次五雲南

王忽赤哥次六愛牙赤大王次七西平王奧魯赤次八

寧王闊闊出次九鎮南王脫懽次十忽都魯帖木兒王

順宗皇帝三子長魏王阿不哥次二武宗次三仁宗

成宗皇帝一子皇太子德壽早薨無嗣

武宗皇帝二子長明宗次文宗

仁宗皇帝二子長英宗次安王兀都思不花早殞無後

英宗無子

泰定皇帝四子長皇太子阿里吉八次二晉王八的麻亦

兒間卜次三小薛太子次四允丹藏卜太子俱早殞無

後

順宗皇帝二子長子順帝次寧宗

文宗皇帝三子長皇太子阿剌忒答剌早薨無後次二燕

帖古思太子次三太平納太子俱早殞無後

寧宗皇帝世無子

順皇帝三子長皇太子愛猷識里達臘餘二子早世

公主

元制非勳臣世族及封國之君莫得尚主是以世聯戚晚

者親視諸王然秦漢以來惟帝姬得號公主而元則諸

王之女亦槩稱焉

昌國公主位

昌國大長公主帖木倫烈祖女適昌忠武王孛禿主薨

繼室以太祖女昌國大長公主火臣別吉 昌國大長

公主亦乞烈思適孛禿于帖堅于薨繼室以昌國大

長公主茶倫 昌國大長公主安禿太宗子闊出女適

孛禿子昌武定王瑣兒哈 吾魯真公主世祖女適帖

木于子孛花 昌國大長公主也孫真適瑣兒哈子昌

武靖王札忽爾陳 魯魯罕公主適孛花弟寧昌郡王

唆都哥繼室以魯倫公主 昌國大長公主伯雅倫憲

宗女適札忽爾陳子昌忠宣王忽隣繼室以昌國大長

公主卜蘭奚 普賢可里美思公主適唆都哥子寧昌

郡王不隣吉及昌國大長公主益里海涯成宗女適忽

隣子昌王阿失繼室以昌國大長公主買的憲宗孫女

昌國大長公主烟合牙適昌王八刺失里子昌王

昌國大長公主月魯適八刺失里子昌王沙監朶兒

趙國公主位

奴九倫公主安西王女適忽隣弟瑣郎哈

趙國大長公主阿刺海別吉太祖女適趙武毅王孛婁

合 獨木于公主睿宗女適拜哈弟郇王聶古解 趙

國大長公主月烈世祖女適拜哈子趙武襄王愛不花

趙國大長公主葉里迷失定宗女適孛答子趙忠襄

王君不花 趙國大長公主忽答迭迷失裕宗女適君

不花子趙忠獻王闊里吉思繼室以趙國大長公主愛

牙迭失成宗女也 趙國大長公主亦怜真適君不花

子趙忠烈王囊家台 趙國大長公主回紇適君不花  
弟趙康億王喬隣察 趙國大長公主阿失禿魯適愛  
不花子郝忠襄王木忽難 趙國大長公主桑哥八刺  
適囊家台子趙王馬罕札

魯國公主位

魯國大長公主也速不花睿宗女適皇國舅魯忠武王  
按噴那顏子幹陳駙馬 魯國公主薛只子太祖孫女  
適幹陳弟納陳駙馬 魯國長公主完澤適幹陳男幹  
羅真駙馬 魯國大長公主囊家真世祖女適納陳子  
粘木兒再適帖木兒弟子台 魯國長公主南阿不刺  
裕宗女適蠻子台 魯國徽文懿福真壽大長公主祥

哥刺吉順宗女適帖木兒子綢阿不刺 魯國大長公  
主普納適帖木兒子魯王桑哥不刺 肅雍賢寧公主  
朶兒只班適綢阿不刺子阿里嘉實利 大長公主拜  
塔沙適按陳裔孫買住罕 台忽普都公主適按陳裔  
孫安遠王丑漢 唆兒哈罕公主太宗女適按陳納合  
幹句真公主適火忽孫不只兒 不魯罕公主適特  
薛禪孫脫羅禾繼室以仁宗女闊闊倫公主  
鄆國公主位

禿滿倫公主適赤窟駙馬 瓮吉八忽公主適赤窟孫  
懷都駙馬 米真公主適懷都弟愛不哥駙馬 鄆國  
大長公主忙哥吉適愛不哥子寧濮郡王昌吉 大長

公主桑哥不刺適愛不哥子岐王脫脫木兒

高昌公主位

也立可敦公主太祖女適亦祈護巴而述阿兒忒的斤

巴巴哈兒公主定宗女適巴而述阿兒忒的斤曾孫

亦都護火赤哈兒的斤 不魯罕公主太宗孫女適火

赤哈兒子高昌王紐林的斤主薨繼室以其妹八支公

主又薨繼以兀刺真公主安西王阿難答女也 朶兒

只思蠻公主闊端女適高昌王帖睦兒補化

延安公主位

火魯公主適哈答駙馬 闊闊于公主適脫亦未赤駙

馬 脫脫灰公主世祖孫女適禿滿答兒駙馬 延安

公主適延安也不干

高麗公主位

齊國大長公主忽都魯堅迷失世祖之女適高麗王愷

即王暉也 薊國大長公主高麗王妃一答失利顯宗

女適潘王王諫即王璋也 濮國長公主高麗王妃亦

伶只班世祖之孫管王也先帖木兒女適潘王王燾主

薨繼室以曹國長公主 高麗王妃金童順宗子魏王

之女也 某國公主顯宗子梁王松山之女適潘王王

高

阿昔倫公主位

阿昔倫公主適阿脫駙馬 搠只蠻公主適阿脫子忽

續文獻通考

卷之二百九十一

九

續文獻通考

卷之二百九十一

九

三百九十五

都虎駙馬

獨木罕公主位

獨木罕公主適察忽駙馬

伯要真公主適察忽子也

先駙馬

帶魯罕公主位

帶魯罕公主適拔都駙馬

捌思蠻公主適拔都子阿

木魯駙馬

脫烈公主位

脫烈公主適阿爾思蘭子也先不花駙馬

八八公主

適也先不花子忽納答兒駙馬

公主適忽納答兒子

刺海涯里那駙馬

烈祖系

一世

淄王糊只哈兒

濟王哈赤溫

鐵木哥幹赤斤國

廣寧王別里古台

二世

淄川王也苦

移相哥王

脫忽大王

愛哥阿不于王

以上俱淄王子

濟南王按只吉友

濟王子

幹端大王

只不干王

以上俱鐵木哥幹赤斤子

也速不花王

口溫不花王

罕秃忽王

以上俱別里古台子

三世



勢都兒王移相  
哥子

哈丹大王

察忽罕大王

忽烈虎兒王

吳王朶列紐以上俱濟  
南王子

阿木魯大王

愛牙哈赤王

朶魯蠻大王以上俱幹  
端王子

廣陵王瓜都也速不  
花子

答察兒國王

壽王乃蠻台

也不干王

兀刺兒吉及王

奧速海王

察刺海王

孛羅及王以上俱只  
不干子

霍力大王罕禿  
忽子

四世

齊王八不沙

必烈大大王

黃兀兒王以上俱勢  
都王子

隴王忽刺出哈丹  
子

濟南王也里只察忽  
罕子

吳王木喃子忽烈虎  
兒子

濟陽王潑皮朶烈  
細子

遼王脫脫

卯罕王

本伯王

也只王

不兒兒王以上俱朶  
魯蠻子

西寧王撒魯蠻孛羅  
及子

帖木兒王

乃顏王以上俱  
瓜都子

塔出王霍力極  
王子

五世

伯木兒王

齊王王龍帖木兒

別兒帖木兒王以上俱黃  
兀兒子

脫鉄木兒王乃顏  
王子

威里吉及王

瓮吉刺及王俱口溫  
不花子

六世

潢察王

抹扎兒王

撒里蠻王

闊闊出王 以上俱威里吉及子

七世

定王薛徹千 闊闊屯王子

八世

定王察兒台 薛徹千子

太祖系

一世

木赤太子

察合台太子

闊烈堅太子

二世

拔都王

撒里答王

忙哥帖木兒王

脫脫蒙哥王

寧速王脫脫

伯忽王

月即列王 以上俱木赤子

也速蒙哥王

合剌旭烈王 以上俱察合台子

河間王忽察 闊烈堅子

三世

肅王寬徹 寧速王脫脫子

扎尼列王 月即列王子

阿魯忽王

八剌王

威遠王阿只吉

帖木兒不花王 以上俱合剌旭王子

忽魯及王 忽察子

四世

魯王買住韓八刺王子

威遠王忽都帖木兒阿只吉子

也不干王

八八刺王

也城干王以上俱忽魯互王

南答失里王帖木兒不花子

五世

赤因帖木兒阿只吉子

八八大王也不干子

安定王脫歡八八刺王子

伯答罕王也城干子

六世

越王秃刺赤因帖木兒子

允秃思帖木兒王八八大王子

合賓帖木兒王八八大王子

安定王朶兒只班脫歡子

太宗系

一世

闊端太子

闊出太子

哈刺察兒王

合失大王

合丹大王

城里大王

二世

蒙哥都王

只必帖木兒王

城里吉友王

帖必烈王

曲烈魯王以上俱闊端子

昔烈門太子闊出子

脫脫王哈刺察兒子

海都王合失子

覲爾赤王

也不干王

也迭兒王

也孫脫王

火爾王以上俱合丹子

脫忽王威里子

三世

也速不花王威里吉反子

亦隣王蒙哥都子

汾陽王別帖木兒曲列魯王子

孛羅赤王昔列門太子子

月別台脫脫子

沙藍朶兒只脫脫子

汝寧王察八兒海都王子

小薛王觀爾赤王子

俺都刺王脫忽子

隴王火郎撒也迭兒王子

咬住王火爾王子

那海王火爾王子

四世

荆王也速不干汾陽王別帖木兒子靖遠王哈友孛羅赤子

襄寧王阿魯灰孛羅赤子汝寧王完者帖木兒察八兒子

星吉班王小薛子

愛牙赤王俺都刺子

陽翟王秃滿俺都刺子

五世

陽翟王曲春秃滿子

汝寧王忽刺台完者帖木兒子

六世

陽翟王帖木兒赤曲春子

定宗系

一世

忽察大王

赤忽大王

二世

赤兒監藏王忽察子

完者也不干王忽察子

南平王秃魯木忽子

睿宗系

一世

忽覲都大王

旭烈兀大王

阿里不哥大王

撥綽大王

末哥大王

歲都哥大王

雪別台大王

二世

阿八哈王

旭烈兀子

亦憐真朵兒只王

旭烈兀子

威定王王木忽爾

阿里不哥子

乃刺忽不花大王

阿里不哥子

刺甘失甘大王

阿里不哥子

薛必烈傑兒王

撥綽子

昌童王

末哥子

速不反王

歲都哥子

三世

阿魯大王

阿八哈子

脫脫木兒王

亦憐真子

魏王孛顏帖木兒

完者帖木兒王

冀王孛羅

定王藥木忽兒

以上乃刺忽不花子

鎮寧王那海

刺甘失子

楚王牙忽都

薛必烈子

伯帖木兒大王

昌童子

荆王脫脫木兒

速不反子

哈魯孫大王

速不反子

月魯帖木兒

雪別台孫

買闕也先

雪別台孫

四世

靖遠王合贊

廣平王哈兒班塔

俱阿魯子

鐵木兒脫子李羅 楚王脫烈鐵木兒牙忽都子

末寧王伯顏木兒伯帖木兒子 荆王也速不堅脫脫兒子

五世

幽王出伯哈兒班答子 亦憐真八的脫脫木兒子

燕大王藥木忽兒孫 楚王八都兒脫烈鐵木兒子

六世

幽王喃忽里出伯子 燕帖木兒王

速哥帖木兒王 朶羅不花王以上俱楚王八都兒子

憲宗系

一世

班禿大王無嗣 阿速及大王無嗣

王龍答失大王 河平王昔里吉

二世

撒里蠻王 衛王光澤

兀魯思不花王 并王晃火帖木兒俱昔里吉子

三世

郊王徹禿光澤子 嘉王火兒忽

答沙亦思的王 完者帖木兒王俱晃火帖木兒子

世祖系

一世

朶兒只王無嗣 安西王忙哥刺

雲南王忽哥赤 愛牙赤大王

西平王奧魯赤  
鎮南王脫懽

寧王闊闊出  
忽都魯帖木兒王

二世

安西阿難答

按檀不花俱忙哥刺子

榮王也先帖木兒忽哥赤子

阿木干大王

孛顏帖木兒俱愛牙赤子

鎮西武靖王鐵木兒不花

西平王八的麻的加俱與魯赤子

寧王薛徹禿

寧王阿魯出俱闊闊出子

鎮南王老章

文濟王蠻子

宣德王不答失里俱脫懽子

阿八也不干王忽都魯帖木兒子

三世

月魯帖木兒王安西阿難答子

也的古不花王阿木干子

雲南王老的罕

武靖王搠思班鐵木兒不花子

貢哥班大王八的麻的加子

鎮南王帖木不花

威順平王寬徹普化

宣讓王帖木兒不花俱老章子

魯朵兒只王阿八也不干子

四世

豫王阿忒納納失里

乞八大王

亦只班大王俱搠思班子

鎮南王孛羅不花帖木不花子

顯宗系

一世

梁王松山

湘寧王迭里哥兒不花

二世

梁王王禪

松山子

湘寧王八刺失里

迭里哥不惹子

三世

雲南王帖木兒不花

王禪子

順宗系

一世

魏王阿不哥

二世

脫不花大王

蠻子大王

兩靖王阿魯

魏王孛羅帖木兒

唐兀台王

答兒蠻失里王

孛羅大王

以上俱阿哥子

皇明帝系

太祖高皇帝濠之泗州人姓朱氏字國瑞 仁祖第四子

初潛龍皇覺寺至正十五年起義兵丁酉下金陵置江

南行中書省為右丞相封吳國公丁未即吳王位 洪

武元年正月初四日即 皇帝位國號 大明在位三

十一年崩壽七十一葬南京 孝陵神烈山立 后馬

氏徐王馬公女十五年八月初十日崩壽五十四合葬

孝陵 太祖二十五子長 懿文太子早薨 秦愍

王爽第二存

晉恭王周第三存

燕王第四 今入帝

系 周定王肅第五存

楚昭王貞第六存

齊庶人



專第七革存系 潭王辛第八絕 趙王巳第九絕

魯荒王亶第十存 蜀獻王春第十一存 湘獻王百

第十二絕 代簡王圭第十三存 肅莊王英第十四

存 遼簡王直第十五今革郡王以下存 慶靖王舟第十六

存 寧獻王萑第十七今革郡王以下存 岷莊王更第十八

存 谷庶人惠第十九革絕 韓憲王公第二十存

潘簡王莫第二十一存 安撫王盈第二十二絕 唐

定王聖第二十三存 郢靖王東第二十四絕 伊厲

王彙第二十五今革郡王以下存 太祖有四盛開乾轉坤取

天下於胡元之手自漢以來惟我 朝得天下為正而

功成之後享國三十一盛也聖壽七十有一二盛也自

江左併中原三盛也 太子諸王二十五人公主十一

六人皆受冊封四盛也

建文帝諱允文 太祖孫 懿文皇太子次子也 洪武

二十五年冊為皇太孫 高皇崩即 皇帝位改元建

文在位四年及靖難兵入金川門宮中火起或言帝殂

或言其變姓名有一大臣隨之出走及老歸京師始知

其為建文君後育于西內不知所終或曰葬西山

成祖文皇帝 太祖第四子元至正二十年四月七日生

高皇后馬氏出也初封 燕王建文二年起靖難兵

四年六月十七日即 皇帝位改元永樂在位二十二

年崩於榆木川壽六十五葬 長陵廟號 太宗 皇

帝

續文獻通考卷之二百九十一

后徐氏中山武寧王徐達女永樂五年崩壽四十六合

葬長陵成祖之子四仁宗皇帝其長也第二漢

庶人高煦絕第三趙簡王高遂存皇少子高義天

少未受封

其昭皇帝成祖第一子初封為燕世子永樂三年

立為皇太子成祖崩隨登大寶改元洪熙在位一

年崩於欽安殿壽四十八葬獻陵后張氏彭城

伯麟之女正統七年崩合葬獻陵仁宗之子十長

即宣宗第二子鄭靖王瞻爰存第三子越靖王

瞻庸絕第四子靳獻王瞻良總第五子襄憲王瞻

善存第六子荆憲王瞻罔存第七子淮靖王瞻與

第八子滕懷王瞻豈絕第九子梁莊王瞻自絕

第十子衛恭王瞻延絕

宣宗章皇帝仁宗第一子永樂九年立為皇太孫

仁宗即位立為皇太子仁宗崩即皇帝位改元

宣德在位十年崩於乾清宮壽三十八葬景陵廟

號宣宗初后胡氏都督榮之女及宣德三年二月

以多疾無子上表請間居別宮正統八年十一月初五

日薨謚靜仙師葬金山原不祔廟繼后孫氏太保安

國公忠之女初冊封為貴妃及胡后就間冊孫氏為

皇后天順二年崩合葬景陵生英宗皇帝祔于

廟宣宗生二子皆為帝長英宗也係石孫氏出

次即 景皇帝係 賢妃吳氏出

英宗睿皇帝 宣宗第一子 宣宗即位立為 皇太子

宣宗崩即 皇帝位改元正統十四年八月北狩九

月初六日尊為 太上皇帝景泰元年八月還居 南

宮凡七年天順元年正月十七日復登 帝位八年正

月十七日崩於 乾清宮壽三十葬 裕陵廟號 英

宗 后錢氏中軍都督追贈安昌伯貴之女至 成化

四年崩合葬 裕陵又 皇后周氏 憲宗生母也慶

雲伯追贈寧國公能之女至弘治十七年崩合葬 裕

陵 英宗之子九長即 憲宗第二子 德莊王見葬

存第三子見是未受封薨第四子 許悼王見享絕第

五子 秀懷王見厨絕第六子崇簡王見畢存第七子

吉簡王見爰存第八子 忻穆王見台絕第九子

徽莊王見市今革郡王以下有 改元二先正統十四年後天

順八年

景皇帝 宣宗第二子賢妃吳氏所生初封 郟國王正

統十四年 英宗北轅乃即 皇帝位改元景泰尊母

吳妃為 皇太后景泰八年 英宗復辟仍為 郟王

是月薨壽三十謚曰戾葬金山成化十一年復 皇帝

號 后汪氏中兵馬指揮英之女初為 郟王妃正德

元年薨合葬金山再立 后杭氏以天順元年廢而死

憲宗純皇帝 英宗第一子 太后周氏所生 郟王攝

政冊為皇太子 景泰三年降封 沂王天順元年復

立為 皇太子 英宗崩即 皇帝位改元成化在位

二十三年崩於 乾清宮壽四十一葬 茂陵廟號

憲宗 后王氏中軍都督追贈阜國公鎮之女至正德

十三年崩合葬 茂陵 憲宗之子十有四第三子即

孝宗也第四子 興獻王祐俞絕第六子 益端王祐實絕

第七子 衡恭王祐軍存第八子 雍靖王祐雲絕第

九子 壽定王祐晉絕第十子十九年生尋以本年薨

古簡王祐享絕第十二子 涇簡王祐舜

絕第十三子 榮莊王祐區存第十四子 申懿王祐

皆絕

孝宗敬皇帝 憲宗第三子 太后紀氏所生 憲宗即

位立為 皇太子 憲宗崩尋登大寶改元弘治在位

十一年崩於 乾清宮壽三十六廟號 孝宗葬 泰

陵 后張氏壽寧侯追封太保昌國公巒之女至嘉靖

二十年崩合葬 泰陵 孝宗有二子長即 武宗次

子 蔚悼王厚韋絕

睿宗獻皇帝 憲宗第四子 孝惠太后邵氏生十三年

冊封為 興王正德十四年薨諡曰獻葬純德山 世

宗即位上尊諡曰 興獻帝陵號 顯陵廟號 睿宗

獻皇后初冊為 興王妃 世宗即位上尊號曰

獻皇后合葬 顯陵祔 太廟

武宗毅皇帝 孝宗第一子 太后張氏所生立為 皇

太子 孝宗崩即 皇帝位改元正德在位十六年崩

壽三十一廟號 武宗葬 康陵 皇后夏氏慶陽伯

儒之女嘉靖十四年崩合葬 康陵祔於廟 武宗無

嗣群臣奉 太后命迎 興世子入繼大統

世宗肅皇帝 睿宗第二子 獻皇后蔣氏所生 武宗

無嗣 帝以 世子奉迎入繼大統四月二十二日即

皇帝位改元嘉靖在位四十五年崩於 乾清宮壽

六十廟號 世宗葬 永陵 皇后陳氏泰和伯萬言

之女嘉靖元年冊立為 皇后七年十月初二日崩

曰悼靈葬 天壽山改謚孝潔 穆宗即位遷葬 永

陵祔於廟 廢后張氏錦衣衛指揮僉事楫之女初封

順妃七年繼立為 后十二年春廢又四年而薨改

曰 繼后葬金山 孝烈皇后方氏平安侯銳之女初

封為 德妃十三年冊為 皇后又十三年而崩謚孝

烈先入 永陵玄宮祔 太廟及 穆宗即位加上尊

謚遷主祀別殿 世宗之子八長次俱早夭第三子即

穆宗皇帝第四子 景恭王載川絕第五子 穎彞

王載絕第六子 戚懷王載絕第七子 薊哀王

載絕第八子 均思王載絕風絕

穆宗莊皇帝 世宗第三子康妃杜氏生嘉靖十六年冊

續文獻通考 卷之二百九十一 三十一 三百八十五

封為 裕王 世宗崩即 皇帝位改元隆慶在位六

年五月二十五崩於 乾清宮壽三十六廟號 穆宗

葬 昭陵 皇后李氏德平伯銘之女嘉靖三十二年

封為 裕王妃三十七年薨葬金山隆慶元年諡曰

孝懿皇后六年又加上尊諡合葬 昭陵祔廟 皇后

陳氏通州人固安伯景行女嘉靖三十八年封為 裕

王繼妃隆慶元年冊立為 皇后六年今 上即位尊

號曰 仁聖皇太后萬曆六年三月加號懿安十年加

號康靖 皇太后李氏宛平人武清伯偉之女隆慶元

年冊立為 皇貴妃今 上即位上尊號曰 慈聖皇

太后萬曆六年加號昭文十年加號明肅 穆宗之子

四憲懷太子早夭今 上其次也第三子 靖悼王初

封藍田而薨隆慶元年追今封賜諡葬金山 絕第四子

潞王 存

今皇上 穆宗第二子嘉靖四十二年癸亥八月十七

慈聖皇太后李氏生隆慶二年立為 皇太子六年

穆宗崩六月十日即 皇帝位改元 萬曆

公主駙馬附

曹國長公主 高皇帝姊即孝親公主下嫁李貞洪武元

年冊為隴西公主貞拜駙馬都尉封恩親侯三年貞進

封曹國公公主加國號十一年貞薨追封隴西王又姊

下嫁王七一洪武元年追封太原長公主七一贈駙馬

都尉

慶陽公主 皇兄蒙城王女洪武元年封為慶陽公主女  
夫黃琛為駙馬都尉累官中都留守食留守俸公主祿  
五百石四年為慶陽郡主永樂二年卒

高皇帝十六女

臨安公主 高皇帝長女洪武九年下嫁駙馬都尉李祺  
太師韓國公善長子是年始定尚公主禮二十四年太  
師賜死公主尋薨棋以憂卒

寧國公主 高皇帝第二女十一年下嫁駙馬梅殷殷汝  
南侯思祖子用事 建文時至永樂二年以嫌中讐死  
謚榮定官一子都督同知二子指揮使至後稱大長公

王以二十三年薨

第三女未詳

安慶公主 高皇帝第四女十四年下嫁駙馬歐陽倫二  
十八年倫以私販茶撲殺

汝寧公主 高皇帝第五女十五年下嫁駙馬陸賢吉安  
侯仲享子

懷慶公主 高皇帝第六女下嫁駙馬王寧三十五年封  
永春侯尋削爵

大名公主 高皇帝第七女十六年下嫁駙馬李堅指揮  
僉事贈都指揮使英子也堅以 建文初封灤城侯北  
征陣亡至後稱大長公主宣德元年薨

福清公主 高皇帝第八女十八年下嫁駙馬張麟鳳翔

侯龍子永樂十二年麟卒

壽春公主 高皇帝第九女下嫁駙馬傅忠穎國公友德

子也主以二十一年薨忠亦不食而死

第十女未詳

南康公主 高皇帝第十一女二十一年下嫁駙馬胡觀

東川侯海子觀坐事奪祿主以正統十一年薨

永嘉公主 高皇帝第十二女二十二年下嫁駙馬郭鎮

武定侯英子建文元年鎮卒後稱大長公主

第十三女 第十四女俱未詳

汝陽公主 高皇帝第十五女二十六年下嫁駙馬謝達

都督僉事彥子

寶慶公主 高皇帝第十六女永樂十一年下嫁駙馬趙

輝府軍前衛千戶也主以正統中薨輝至成化十二年

始卒

懿文太子二女

江都郡主 懿文太子長女洪武二十三年下嫁儀賓耿

璿長興侯炳文子也建文初進郡主為公主儀賓為駙

馬後璿奪職主亦降郡主

第二女未詳

成祖文皇帝七女

永安郡主 成祖長女洪武末下嫁儀賓袁容右都督洪



子三十五年進郡主為公主儀賓為駙馬加封廣平侯  
洪熙元年上食本祿宣德元年復主以是年薨容以宣  
德四年卒贈國公諡忠穆

永平郡主 成祖第二女下嫁儀賓李讓永樂元年進郡

主為公主儀賓為駙馬加封富陽侯讓以永樂二年卒  
贈景國公諡恭敏子茂芳襲二十二年奪爵主以宣德

初封長公主正統初加封大長公主九年薨

安成公主 成祖第三女洪武三十五年下嫁駙馬宋瑛

西寧侯晟子也永樂五年襲侯二十二年奪爵及駙馬

號宣德中還故號正統元年主進封大長公主八年薨

清河公主於永樂四年下嫁駙馬李銘

真定公主下嫁駙馬王誼濟寧指揮僉事佐子也正統十  
二年卒

餘二公主無考

宣宗二女

順德長公主 宣宗長女正統二年下嫁駙馬石璟主以

八年薨璟以成化十五年卒

常德長公主宣宗第二女十二年下嫁駙馬薛桓主後進

大長公主成化六年薨

英宗八女

惠慶公主 英宗長主天順五年下嫁駙馬周璟主後進

大長公主以弘治元年薨璟以八年卒

嘉善公主 英宗第二女下嫁駙馬王增靖遠伯驥孫也

淳安公主 英宗第三女下嫁駙馬蔡震軍人誠子也主

後進大長公主弘治十二年薨震以嘉靖十四年卒贈

太保謚康僖

崇德長公主 英宗第四女下嫁駙馬楊偉錦衣指揮宏

子興濟伯善孫也主後進大長公主弘治二年薨

廣德長公主 英宗第五女下嫁駙馬樊凱二十年主薨

正德二年凱卒

隆慶長公主 英宗第六女成化九年下嫁駙馬游泰懷

遠侯傑子也十五年主薨弘治十三年泰卒

宜興長公主 英宗第七女成化九年下嫁駙馬馬誠正

德九年主薨十四年誠卒

嘉祥長公主 英宗第八女成化十三年下嫁駙馬黃鏞

十九年主薨正德五年鏞卒

景帝一女

固安郡主 景帝女成化二年下嫁儀賓王憲弘治四年

主卒葬禮視嘉祥公主

憲宗六女

仁和長公主 憲宗長女弘治二年下嫁駙馬齊世英鴻

臚卿佑子

永康長公主 憲宗第二女弘治六年下嫁駙馬崔元元

監生儒子主累進大長公主以嘉靖十一年薨元進封

京山侯加太傅以嘉靖二十八年卒謚榮恭

德清長公主 憲宗第三女弘治九年下嫁駙馬林岳兵

馬指揮芳子也正德十三年岳卒

第四女無考

第五女以成化二十三年薨追封長泰公主

第六女以弘治五年薨追封仙游公主禮葬依 蔚悼王

睿宗四女

嫡第一女庶第二女皆早薨嘉靖四年追封一女為長寧

公主二女為善化長公主

永福長公主 睿宗第三女嘉靖二年下嫁駙馬鄔景和

四年薨三十一年景和以辭直醜壇削爵為民流徙

吳郡隆慶元年復爵三年薨謚簡

永安長公主 睿宗第四女嘉靖元年下嫁駙馬謝詔未

幾主薨四十一年詔卒贈少保

世宗二女

成平公主 世宗長女嘉靖三十四年下嫁駙馬李和隆

慶三年和卒

安泰公主 世宗第二女嘉靖三十六年下嫁駙馬許從

誠隆慶五年主薨萬曆二十七年從誠卒

穆宗七女

萬曆九年 長公主下嫁駙馬侯拱辰

萬曆十年 長公主下嫁梁駙馬 月餘卒

長女蓬萊公主

次女太和公主俱早卒 隆慶元年追贈

十五年 長公主下嫁駙馬馬嵩

十六年 長公主下嫁駙馬王昂

長公主下嫁駙馬楊春元

安平公主

世宗身文嘉祿三十四年下嫁駙馬李承

世宗二女

熈寧四十一卒臨卒餽少尉

來安公主

熈寧四十四年下嫁駙馬張瑄

吳王下嫁六子夏禮三子熈寧

